

MGA ATABAY NGA LIKIAN



Mag-ampo kita. Ginoo, karon nagatoo kami. Kami nagtoo sa Anak sa Dios, ug, pinasikad niini, among gidawat ang Kinabuhing Dayon pinaagi Kaniya. Karon kami nagkahiusa pag-usab, niining kahaponon, o niining gabhiona, alang sa lain pang bulohaton, nga masaligon Kanimo alang sa Mensahe ug alang sa unsay Imong isulti kanamo ning gabhiona. Nagatoo kami Kanimo, Ginoo, ug kami naghulat Kanimo. Ug Ikaw miingon, “Sila nga nagahulat sa Ginoo nagabag-o sa ilang kusog; sila manglupad nga may mga pako sama sa agila.” Ug nangamuyo kami, Dios, nga hatagan Mo kami nianang Gahum nga makatungas, niining gabhiona, samtang magahulat kami Kanimo.

² Kami nagpasalamat Kanimo tungod ning katawhan, ug kung unsay kahinungdanon nila Kanimo ug kung unsay kahinungdanon nila kanako. Gipasalamat ko Ikaw alang niini, Amahan. Sila mao ang Imong mga mutya. Ug ako nangamuyo, Dios, nga niining gabhiona, nga Imong ipadayag ang Imong kaugalingon diha sa maong paagi, ngadto kanila, nga ilang gikinahanglan. Kung anaa may masakiton dinhi, hinaut nga maayo sila. Kong anaa may pagduhaduha sa hunahuna ni bisan kinsa; hinlo-i kini, Ginoo. Ug ihatag lamang kanamo ang Imong Presensiya ug ang Imong mga panalangin, tungod kay amo silang gikinahanglan, Ginoo. Ikaw mao ang among tanang-katagbawan. Ug, gawas Kanimo, wala kami arang mahimo.

³ Kami nangamuyo nga Imong dawaton ang among paghatag pasalamat sa tanan Mong gibuhat. Sa Ngalan ni Jesus Cristo among paaboton ang Imong mga panalangin. Amen.

Mahimo na kamo sa pagpanglingkod.

⁴ Ug, maayo, daw usa—usa ka mas mabugnaw kining gabii sa Dominggo, sa dinhi, kay sa miaging Dominggo sa gabii. Kita mapasalamat kaayo sa atong mga kaigsoonan kinsa naghago nga mainunongon sa pagpahigayon kini pasulod. Nasayod ako nga duha o tulo kanila. Si Igsoong Mike Egan, nga akong nakita sa luyo didto, ug akong . . . Si Igsoong Mike, ug si Igsoong Sothmann, si Igsoong (nagtoo ako) si Roy Roberson, ug si Igsoong Woods, ug silang tanan, sila dinhi dapit nagkadunsingot, sa pagpaninguha nga mapasulod kini aron atong mapahigayon kining Mensahe karon, o niining adlaw. Busa, kita mapasalamat kaayo.

⁵ Karon, sa sunod Dominggo sa buntag, kon itugot sa Ginoo, buot kong adunay usa ka bulohaton sa pagpanambal, mga pag-ampo sa masakiton. Ug atong igahin kini alang sa usa ka bulohaton sa pagpanambal, kon itugot sa Ginoo.

⁶ Akong nahimatikdan, kaganihang buntag, nga anaay usa ka pundok sa mga panyo dinhi. Giampoan ko sila. Ug ako, samtang nanag—ampo kamo ug nanag—awit, akong giampoan ang mga panyo; ug unya ania pay daghan dinhi ning gabhiona. Busa, atong—atong toohan nga ang Dios moayo sa masakiton. Daghan kaayong dagkung mga testimonyo sa kaayohan sa atong taliwala, ug sa tibuok kalibutan, ug kita mapasalamaton kaayo tungod niini.

⁷ Ug akong gihunahuna, sa sunod Dominggo, tungod kay mahilayo ako kadali, ug atong gipalabi pag—ayo diha sa pagtudlo ug sa Mensahe, nga akong gitooan kini nga maoy maayong butang kong anaay atong usa—usa ka bulohaton sa pagpanambal, nga mangampo sa masakiton. Ug kita nagsalig nga ang Dios mohatag kanato sa maayong panahon.

⁸ Karon, ang kadaghanan kaninyo ang kinahanglan pa mobiyahi'g daghang mga milyas ning gabhiona. Busa nakigsulti ako sa mga pundok didto sa—sa Blue Boar Cafeteria, niining adlaw, sa diin ako nanihapon. Daghan maayong mga tawo, nga akong gikamulo ang ilang mga kamot ug nakigsultihanay kanila, mga tawo nga sukad wala ko gayud ikahimamat kaniadto, nga mianhi dinhi sa simbahan. Ug ako mapasalamaton kaayo tungod sa maong mga higala, ug buot kong magpasalamat sa matag usa kaninyo. Ang uban kanila nanguhag mga blackberries, ug gidala kanamo. Ug ang usa ang midala kanato'g usa ka basket nga sirup, o mga latik, nagtoo ako nga mao kadto, ug—ug mga butang. Kamo wala masayod kung unsa ka bililhon kana. Ug sa usa ka buntag, ako mobangon ug mogawas sa balay, usahay didto . . .

⁹ Sa miaging buntag dihay usa ka igsoon nga tiunay nga makalolooy, walá'y mga bisti ug mga butang, ang buot nga magpakuha kanako'g mga bisti. Akong gisugdan, ug hapit ako mahipangdol sa usa ka bukag nga blackberries nga gipahimutang didto. Matud ko, “Ikaw ba'y nagdala ning mga blackberries?”

¹⁰ Ug mitubag siya, “Dili, wala gayud ako'y kalabotan uban niana. Ako dinhi na sa wala pa mosilang ang adlaw, ug sila napahimutang na dinhi.” Ug kadto gidala kanako sa maayo kong Igsoong Ruddell. Ug, busa, kanang mga butanga akong ginapasamalatan gayud.

¹¹ Si Billy Paul adunay gisulti kanako, sa dili pa lang dugay, nga sa maong congregasyon niining gabhiona, sila nagkuha og halad, nga alang kanako. Ako-ako nagpasalamat tungod niana. Dili ko buot nga buhaton ninyo kana. Akong-akong gidayeg ang inyong mga kahago, ug uban pa, apan kana wala kinahanglana. Ug, apan, ang Ginoo magapanalangin kaninyo. Nasayod kamo, nasayod na kamo, ang Biblia nag—ingon, “Maingon nga gibuhat

ninyo kini ngadto sa usa sa mga labing gagmay, gibuhat usab ninyo kini Kanako.”

¹² Karon, ako daw sa nagasulti nganha kaninyo, diha sa Mensahe, sa dinayganay. Ug akong . . . Pipila sa katawhan tingali anaa sa paghunahuna nga-nga akong nahunahuna nga si Jesus moabot sa buntag o niining gabhiona. Oo. Karon, ako wala mag-ingon nga Iyang buhaton. Ug, usab, basig Siya dili pa moabot sa sunod semana, ug kini tingali sa sunod tuig, kini tingali sa napulo pa ka tuig. Ako wala masayod kon kanus—a Siya mobalik. Apan, anaay usa ka butang nga buot kong . . . sa kanunay inyong hinumduman, kamo magaadam sa matag gutlo o takna. Kita n’yo? Nga, kon dili Siya moabot karon, Siya tingali ania na ugma. Busa ipabilin kana sa inyong hunahuna, nga Siya moabot.

¹³ Ug ako wala masayod kung unsay panahona ang kataposan ko’ng takna dinhi niining kalibutana, ni may usa kanato. Ug walá’y usa kanato ang nasayod kon kanus—a Siya moabot. Siya wala man gani masayod, Mismo, pinaagi sa Iyang Kaugalingong mga Pulong; Siya miingon, “Ang Amahan, lamang, nasayod kon kanus—a Siya moabot; wala bisan ang Anak nasayod kon kanus—a siya moabot.” Kini kung kanus—a ang Dios igapadala Siya kanato pag-usab. Apan kita nagapaabot sa Iyang Pag-abot. Ug kon dili man Siya moabot sa akong kaliwatan, Siya tingali moabot sa sunod; kon dili siya moabot nianang sunod, Siya moabot sa sunod. Apan, alang kanako, dili ko na matataw ang bisan unsang takna nga nabilin. Ako igo lang . . . Alang kanako, kini mahitabo sa bisan unsang takna. Karon, kana wala magpasabot . . . Wala kana magpasabot, karon, nga imong makita ang kalangitan nga mausab ug ang matag . . . Dili kana mao ang Pag-abot nga akong gihisgotan. Ako nagahisgot sa Pagsakgaw.

¹⁴ Kita n’yo, Siya adunay tutulo nga mga Pag-abot. Siya mianhi sa mga tulo ka pagka-Anak, nga mga Ngalan. Siya mianhi sa trinidad; Amahan, Anak, Espiritu Santo. Kita n’yo, sa tanan niini mao ra nga Cristo, mao ra nga Dios, sa tanang panahon. Karon, kita nahibalo Siya moanhi aron pagdala sa tutulo ka mga buhat sa grasya; pagkamatarung, pagkabalaan, bautismo sa Espiritu Santo. Ang tanang butang, diha sa Dios, gihingpit diha sa tulo.

¹⁵ Ug busa Siya miabot, una, aron pagtubos sa Iyang Pangasaw-onon. Siya nagaabot, sa ikaduha, ingon sa Pagsakgaw, sa pagkuha sa Iyang Pangasaw-onon. Siya magaabot, sa ikatulo, kauban sa Iyang Pangasaw-onon, nga nga Hari ug Rayna; pagkatapos, kana mao kanus-a daghan sa katawhan ang nagapaabot sa Pag-abot.

Apan kung mobalik Siya ning panahona, wala kaayoy masayod kondili kadto lamang ang andam na sa dihang Siya

moabot. Adunay mga tawong mangawala. Dili sila mahibalo kung unsay nahitabo kanila. Igo lamang nga sakgawon sila, sa kalit, ug niana sila mahibaw-an na lang nga nangawala. “Mangausab sa kalit, sa kalit sa usa ka pagpamilok.” Busa mangandam na lamang alang niana. Usa kini ka makalilisang sa usa ka buntag ang pagkawala sa usa ka minahal sa kinabuhi, wala nay bisan isa makakaplag kanila. Dili ba kini makalolooy sa pagkasayod nga kini tapos na ug ikaw wala makauban? Busa pagpabilin gayud sa atubangan sa Dios.

¹⁶ Karon, sa sunod semana, kon itugot sa Ginoo, sa sunod Lunes, gikan ning semanaha sukad ning Lunesa, kon itugot sa Dios, dalhon ko ang pamilya balik ngadto sa Arizona diin atua sila nagatungha, ug unya ako-ako mobalik.

¹⁷ Karon, ako dili nagaadto didto...Ako walá’y mga bulohaton aron moadto didto. Sa kanunay wala ako sa Arizona. Ako atua sa dapit kon asa. Dalhon ko ang akong asawa didto, sa sunod Lunes. Ako magabalik dinhi pag-usab. Ako mobiya gikan dinhi ngadto sa British Columbia. Ako mobalik sa Colorado. Ako maanaa sa Arizona pag-usab inigkaduol sa Pasko, sa pipila ka panahon lamang, sa igong...tingali duha ukon tulo ka mga adlaw, usahon ang pamilya, mobalik dinhi hangtud sa bakasyon sa Kapaskuhan, kon itugot sa Ginoo, magka-adunay buluhaton lahos nianang simanaha sa bag-ong tuig dinhi.

¹⁸ Sa ingon nian ania ako dinhi, halos, labi pa. Ako ania dinhi sa napulo ka higayon nga labaw pa kay sa atua didto, tungod kay wala kitay simbahan o bisan unsang mga bulohaton didto, walá’y ni bisan unsang butang kita didto, nga, sa paagi nga bulohaton sa simbahan. Usa kana ka butang nga dili maayo bahin niini. Walá’y dapit nga mapaadto ko ang kabataan aron pagpamati niining Mensahe, sama sa nakuha sa inyong mga kabataan sa pagpatalinghog niini dinhi, ug—ug busa mao kana ang usa nga kulang namo. Apan silang tanan mas mahimsog. Kini usa ka mamala, mainit, mamalang klima, apan ang tanang kabataan daw sa labi pang mahimsog. Ako wala nagadugay didto aron mahibaloan kung kini ba nagapahimsog o dili nagapahimsog. Ako, pirme nagalakaw, ug ako—ako—akong pagtoo natawo ako nga usa ka maglalangyaw.

¹⁹ Akong asawa nagatawag kanako...Nasayod ako nga ania siya dinhi, busa akong mahibaloan kini human sa panimbahon, nasayod na kamong tanan. Unsay tawag niana, ang nagabalhin-balhin nga hangin, o hanging-walá’y pahulay, o kon unsa man—kon unsa man, nasayod na kamo, nagdagayday nga balas? O, pirme nagalakaw, sa laing sinultihan. Ug ako minyo na karon, kaluhaag duha ka tuig, ug ako usahay maghunahuna ako nga usa ka dumoluong diha sa balay, tungod kay ako kinahanglan magalakaw.

Apan ako nagalantaw sa panahon nga sa diha kita mapahiluna na didto sa Yutang puloy-anan sa kapulihay. Apan karon ang gubat nagapadayon pa, busa kita magmainampoon.

²⁰ Ayaw'g kalimti, sa sunod Domingo sa buntag, kon itugot sa Ginoo, dalha ang inyong masakiton ug ang nagantos. Anhi pagsayo, pahiluna sa inyong dapit, ug siguro adunay mga panon nga pagaampoan. Kami angay manghatag sa mga prayer card. Kong dili na igo, kami dili na manghatag sa mga prayer card, igo lamang sa pagbuhat sa usa ka gamay nga linya sama sa duha o tulo ka dosena, o maingon niana. Apan kami-kami tingali'g manghatag sa mga prayer card, busa amo tingali buhaton kini mga usa ka oras sa dili pa ang naandang bulohaton, nga sa akong gihunahuna mokabat. . . Mahimog alas otso, otso o kaha otso—emidya, sila magapanghatag sa mga prayer card; ablihan ang simbahan, ipanghatag ang mga prayer card sa sunod Domingo sa buntag. Ug unya siguroha ang pag—anhi alang sa inyong. . . Dalha ang inyong mga minahal sa kinabuhi, ipahiluna sila diha niana. Kini mamahimong maayo ug mabugnaw dinhi sa simbahan, kon sila masakiton, ug buhaton namo ang mga butang kutob sa among mahimo aron pag—ampo kanila.

²¹ Salamat kaninyo, pag—usab, alang sa gugmahanong halad.

²² Ug karon kita magabasa sa pipila ka Pulong sa Dios, niining gabhiona, ug pangandam alang niining higayon sa Iyang Presencia na usab aron pagdala kanato sa Iyang Pulong. Karon, kita nasayod nga kita makabasa sa usa ka teksto, apan ang Dios maoy magpadayag sa maong unod. Kita n'yo? Kita makakuha sa usa ka teksto, apan ang Dios maoy mopadayag sa unod. Ug samtang kamo naga—abli karon diha sa Basahon ni Jeremias, sa ika-2 capitulo.

²³ Buot kong ipahayag nga akong gikalipay nga ania, uban kanato, si Igsoong Lee Vayle, ang minahal nga igsoon diha sa Ginoo. Ug akong gihunahuna dinhi, ang igsoon dinhi, dili ko mahinumduman ang iyang ngalan, si igsoong Willard Crase. Ug nakita ko ang mga kaigsoonang lalaki nga taga Arkansas, Si Igsoong John ug sila, nga gikan pa didto sa Poplar Bluff, ug si Igsoong Blair. Ug, oh, si Igsoong Jackson, ug si Igsoong Ruddel, ug daghan pa kaayo nga ako—akong dili na. . . Unta matawag ko ang ngalan sa matag usa, apan dili ko kini mahimo, ug masabtan na ninyo. Si igsoong Ben Bryant, akong nakita siya nga nagalingkod dinhi; siya mao sa kasagaran akong amen sa suuk samtang ako. . . Ang tanan nakaila kang Ben pinaagi sa iyang tingog. Uh—huh.

²⁴ Kami, didto sa California usa ka higayon, ako nagawali sa usa ka Mensahe alang sa katawhang Baptist didto sa walog. Dihay ilang usa ka dakung tolda, ug daghan aristokratang mga Baptist. Ako dili gayud makadungog sa “amen” bisan diin; kamo nasayod, nangahadlok ang kadaghanang kababayan—an

nga mangawala ang pintal sa ilang nawong. Ug unya, unang butang nahibalo kamo, akong nakita ang duha ka tiil nga ingon *niana*, nga miisa, ug duha ka mga dagkong kamot, ug ang maitom nga buhok nagawara didto, nagasinggit, “Amen,” nagasiyagit sa ingon niana. Ug ako mitamod, matud ko, “Ben, diin ka man gikan?” Siya gayud ang nagapanguna sa “amen.”

²⁵ Akong nakita ang iyang asawa nga nagatan-aw kaniya, sa diyutay. Bueno, nagkaanam nag kawala ang kanang itum niyang buhok, apan okey ra na, nasayod na mo. Ayaw kabalaka bahin niana. Mao man, ang ako, sa dugay nang panahon.

Busa, karon, ayaw’g kalimot sa pag-ampo.

²⁶ Karon samtang kita moadto na sa labing lunsay nga bahin sa bulohaton, hinumdumi, kon atong basahon kining Pulong, nan ang Dios magapanalangin sa Iyang Pulong. “Dili kini mobalik Kaniya nga kawang, apan Kini magatuman sa unsay katuyoan Niini.” Ug ako nasayod, sa pagbasa sa Pulong, ako sa kanunay mahusto. Sa dihang akong basahon ang Pulong, ang Dios magpasidungog sa Iyang Pulong.

²⁷ Karon manindog kita alang sa pagtahud sa Iyang Pulong. Sa Jeremias, ang ika-2 nga kapitulo, sa ika-12 ug sa ika-13 nga mga bersekulo sa Jeremias 2.

Kahibulong kamo, O...kalangitan, ug niining butang, ug kalisang gayud, mag-inusara kamo pag-ayo, naga-ingon ang GINOO.

Kay ang akong katawhan nakahimo ug duruha ka kadautan; sila mingbiya Kanako ang tuburan sa mga tubig nga buhi, ug sila nanagkotkot ug mga atabay, mga atabay nga likian, nga dili. . .dili kasudlan ug tubig.

Atong iduko ang atong mga ulo karon.

²⁸ Minahal nga Dios, ang Imong Pulong gibasa na. Ug kami nangamuyo nga Imong pasidunggan kanang Pulong ug ihatag kanamo niining gabhiona ang samingay o ang katugbang Niini; sa diha among gilantaw ang mga adlaw nga nanglabay, ang Israel, ingon nga mga panag-ingnan, sumala sa gitudlo sa Biblia kanamo nga among makita kung unsay Imong gibuhat kanila sa dihang ilang gituman ang Pulong, nakita kung unsay Imong gibuhat kanila sa diha ilang gisupak ang Pulong, ug nakat-onan kung unsay angay namong pagabuhaton. Busa, kami nangamuyo nga Ikaw makigsulti kanamo niining gabhiona sa pinasahi gayud nga paagi, aron kami mahimong masayod kon unsaon sa pagdala ang among kaugalingon niining adlaw, nga among hingkat-onan kaganihang buntag nga among gipuy-an karon. Kay among gipangayo kini sa Ngalan ni Jesus. Amen.

Makahimo na sa pagpanglingkod.

²⁹ Buot kong makigsulti niining gabhiona diha sa pagtulon-an, alang sa-sa hamubong panahon sa: *Mga Atabay Nga Likian.*

³⁰ Ang Israel nakabuhat sa duha ka dagkung kadautan. Ang Dios nag-ingon nga sila mingbiya Kaniya, ang Tuboran sa Kinabuhi, ug nanaghimo alang kanila mga atabay aron moinum gikan niini. Karon, kana usa ka butang.

³¹ Ang hinungdan akong gihunahuna kini nga teksto tungod kay katumbas kini sa unsay akong giingon kaganihang buntag, sa maong takna nga atong gipuy-an, ug ang Katuyuan nga atong gipanglimbasogan.

³² Ug atong gitan-aw ang Israel ingon nga panag-ingnan, nga, kung unsa ang Dios kaniadto, Siya sa kanunay kinahanglan magapabilin mao sa gihapon. Ug adunay usa ra ka butang nga kanunay'ng tahuron sa Dios, mao kadtong, Iyang pamaagi nga Iyang gitagana alang sa katawhan. Ug sa mipahilayo sila niadtong paagiha, nan ang Dios wala mapasidunggi, ug gihimo sa Dios ang pagpaantos sa katawhan tungod sa pagbiya gikan sa unsay Iyang gisulti kanila nga pagabuhaton, bisan kung unsa man kadto.

Siya bisan pa naghatag kanila usa ka balaod, “Ayaw’g hikapa, ayaw’g kupti, ayaw’g tilawi.” Dili lamang ang kadautan sa pagbuhat niini, kondili ang kadautan sa pagsupak kung unsay Iyang giingon nga pagabuhaton. Ug sa kanunay dili mahimo adunay balaod kung walá’y silot alang sa balaod. Tungod kay, kong walá’y silot, nan, ang balaod dili ra kaayo magpulos gawas kun anaay silot niini. Ang balaod!

³³ Karon, atong makita, kung unsay ilang gibuhat niadtong adlaw ingon nga katumbas sa unsay atong ginabuhat karon, kung unsay ginabuhat sa katawhan sa simbahan.

³⁴ Karon atong nakita ang talagsaong butang dinhi. Kini mahimo nga sahi alang sa pipila ka katawhan, sa diha Siya nag-ingon, “Kamo naghimo, sila naghimo, naghimo alang sa ilang kaugalingon sa mga atabay, mga atabay nga likian.” Karon, tingali ang uban kaninyo wala masayod kung unsay atabay. Pila man ang nasayod kung unsa man ang atabay? Buweno, hapit kamong tanan. Kong kamo didto midaku sa umahan, kamo nasayod kung unsa gayud ang usa ka atabay. Akong mahinumduman nga nakainum ako’g igong mga insekto gikan sa usa, aron—aron masayod kung unsa ang usa ka—usa ka atabay.

Nagwali didto sa kailayahan diin, diha sa brush arbor, diin anaay inyong dakung pitsel sa tubig sa atabay didto, gikan sa—sa ulan, nahibalo na kamo, ug kini daw sa usa ka karaan na’g diyutay. Ug-ug unya ang mga insekto, sa panahon sa kagabhion, mosulod ngadto niini. Ug busa nasayod ako kung unsay tubig sa atabay.

³⁵ Ang usa ka—usa ka atabay maoy usa ka—usa ka dapit, usa ka butang nga gikutkot diha sa yuta, nga ilis sa tubod. Kon sa diin ang katawhan walá’y tubod, nan sila mohimo sa usa ka—

usa ka atabay. Sa laing pagkasulti, ang atabay usa ka tangki nga binuhat sa tawo o usa ka tubod nga gihimo sa tawo diha sa yuta, nga gikutkot sa tawo, aron pagsalud sa tubig, aron—aron gamiton kini. Ang uban kanila mogamit niini sa pagpanglaba, ug ang uban gamiton kini nga ilimnon, ug sa nagkalainlaing paagi, tingali. Ang tanang tubig usahay, nga kasagaran atong gikuha, gikan sa atabay. Kasagaran anaay karaang butang nga imong pagtuyokon, tuyokon, tuyokon, tuyokon, aron pasakahon ang tubig; nga may gamay nga timba niini, aron pagkalos ug tubig gikan sa atabay.

³⁶ Buweno, atong mahimatikdan ang usa ka butang bahin sa atabay nga lahi gikan sa usa ka tubod. Karon, ang atabay mahimong mahubsan. Ang—ang—ang atabay dili makapapuno sa iyang kaugalingon. Kini maoy—maoy . . . Kini dili kasaligan. Dili ka makasalig sa usa ka atabay. Kini kinahanglan magsalig ug mag-agad pinaagi sa mga ulan nga matagak sa panahon sa ting—init o sa ting—tugnaw, sa bisan unsa man kini aron . . . Sa kasagaran, sa panahon sa ting—tugnaw sa diha ang ang yelo ug ang ulan nagaabot, dayon kini mopadagayday sa tubig paingon sa atabay. Ug kon dili kini makatigum nianang tubig, nan kamokamo walá'y bisan unsay tubig. Kining tanan—kining tanan . . . mamauga. Ug kini dili makapapuno utro sa iyang kaugalingon. Ang karaang atabay dili makapapuno utro sa iyang kaugalingon. Kini nagakuha sa iyang pangpuno gikan sa-sa mga ulan nga nagakahulog.

³⁷ Ug buot kong hisayran pa ninyo ang laing butang bahin sa usa ka atabay. Ang kasagaran, inyong makita, ang pamaagi kaniadto sa among dapit, ang atabay . . . Kasagaran ang bodiga hapit doblihon sa kadak-on ang usa ka balay, ug kasagaran adto nila padagaydayon ang tubig paingon sa bodiga, ngadto sa atabay. Akong mahinumduman kadtong karaang atabay didto, kung siya . . . kung ang—ang tubong paagasanan mobuhos pasulod niini, usab, gikan sa bodiga. Kini ginapuno gikan sa bodiga.

Ug pagkahuman ang tubig gidala gikan sa atop sa bodiga; diin, ang tanang mga mananap managtunob sa palibot sa kwadra, ug ang tanang hugaw sa kwadra matingub ngadto sa atop sa bodiga, sa panahon sa tig—init. Ug unya ang tubig moabot ug banwason ang tanan nga gikan sa atop, paingon ngadto sa pasongan nga binuhat sa tawo, dayon mopaingon ngadto sa sandayong, dayon paingon ngadto sa atabay nga binuhat sa tawo. Ug kon ikaw wala sa usa ka hugaw nga kahintang, wala ko kahibalo kung unsa pay ana sa imo, sa dihang ikaw adunay usa ka atabay. Oo, sir! Kining tanan mga binuhat sa tawo, ug labihan ang kahugaw niini.

³⁸ Nasayod kamo, ato kanhi ginatawag . . . Anaay atong trapo nga salaan. Nasayod ba kamo kung unsa kadto? Kinahanglan magbutang sa salaan nga trapo niini, aron pagsala sa tanang

mga insekto ug mga butang nga nagagikan diha sa ibabaw sa—sa bodiga, ug palibot sa tanang dapit, ug nagbuhos gikan sa usa'ng dapit ngadto sa lain, paingon sa atabay. Ug kami kanhi mobutang usa ka—usa ka trapong salaan niini, aron salaon ang tanan nga—nga hugaw ug mga butang nga atong masala. Siyempre, kana dili makasala sa tinuod nga hugaw, kini makasala lamang sa mga dagkung mga hugaw nga nagakanaug ug nagakahulog niini. Ang insekto mahimong mahulog niini, apan ang duga diha sa insekto nadala uban sa tubig. Busa, kamo-kamo anaa gayud sa kahugaw nga kahimtang kon kamo anaay inyong karaang mahugaw nga atabay.

³⁹ Sulod sa pipila ka adlaw, inyong pasagdan ang tubig diha, ug kini mahimong malan-og. Inyong pasagdan ang tubig sa usa ka atabay, kini mahimong malan-og. Ug kini mapuno sa—sa mga baki, ug mga tabeli, ug mga halas. Ug kanhi atong gitawag kini “wayawaya,” madigyut nga . . . Wala ako masayod kung unsa . . . Sila dili mga parasito, sila mga . . . wala ako, wala ako masayod kung unsay inyong itawag kanila. Apan pipila ka gagmay nga butang nga anaa sa tubig, nga-nga atong gitawag kini'g mga wayawaya. Kamo nasayod kon unsa kini. Pila man ang nangasayod kon unsay akong ginahisgotan? Oh, aba, siguro, tanan kamong mga lumad nasayod. Nagakapuno kini sa lan-og, ug unya kining mga mahigugmaon sa malan-og miuban niini. Kini nagapangabot lamang, tungod kay kini nalan-og. Ug tungod kay kini lan-og man, modani kini'g mga mananap nga mahigugmaon sa mga butang malan-og.

⁴⁰ Ug mao kanay susama gayud sa atong mga kasimbahanan karon. Sa akong pagtoo ato nang gibiyaan. . . Ang usa sa pinakadakung kasal—anan nga gibuhat sa simbahan karon, sama lamang sa Israel kaniadto, kini nagbiya Kaniya, ang Tuboran sa Tubig nga buhi, ug nanaghimo alang sa ilang kaugalingon sa mga atabay. Ug nahimo kini nga puloy—anan sa tanang butang nga nahigugma nianang matanga sa tubig. Mga tabeli, mga baki, ug ang tanang matang sa mahugaw nga mga kagaw, mipoyo niini, tungod kay kini usa ka tangke nga binuhat sa tawo. Ug sulod niining tangke kining mga butang nagpabilin, usa ka hingpit nga panag—ingnan sa atong mga denominasyon karon.

⁴¹ “Karon,” kamo moingon, “Igsoong Branham, nganong imo mang igoon pag-ayo kanang mga tawhana?”

Kini angay lamang ig'on. Kini kinahanglan ig'on. Pahilayo niini, tungod kay sa kataposan mahimo kining marka sa mapintas nga mananap. Hinumdumi, kana mao ang Kamatuoran! Kini mopaingon sa marka sa mapintas nga mananap. Ang denominasyon mopaingon mismo dinhi. Kini anaa na sa iyang dalan mismo dinha karon, aron pagpatuman, pinaagi sa gahum.

42 Tan-awa diha sa karaang Romanhong emperyo. Mao kana gayud ang nagdala kanila ngadto sa marka sa apostasia. Inyong nahibaw-an nga walá'y tawo makahimo sa pagpamalit o pagpamaligya kong walá'y marka sa mapintas nga mananap. Kini kinahanglan maanaa kaniya.

43 Adunay duha lamang ka matang sa mga tawo sa ibabaw sa yuta; kadtong mga may Timaan sa Dios, ug kadtong may marka sa mapintas nga mananap. Duha lamang ka matang, busa ikaw kinahanglan maanaa sa usa o sa lain. Kini mahimong usa ka apostasia, usa ka—usa ka marka sa—sa relihiyon, apostata'ng relihiyon.

44 Ug kini magkaanaa sa usa ka larawan sa mapintas nga mananap. Samtang kita nagtuon, atong hingsayran nga mao ang Roma kanhi, karon, ug sa kanunay mamahimo, ang mar-. . . o, ang mapintas nga mananap. Husto kaayo. Walá'y nay laing paagi ang pagpakaangkon niini sa bisag unsa pang butang. Ang Roma!

45 Ug unsay gibuhát sa Roma? Gibalhin gikan sa paganong Roma ngadto sa papahanong Roma, ug nag-organisa ug usa ka sistema, usa ka sistemang sa kinatibuk-ang kalibutan, nga nagpugos sa matag-usa ngadto nianang usa ka relihiyon o patyon.

46 Ug kini usa ka talagsaong butang nga kining Estados Unidos mitungha sa eksena, ug kini sama sa usa ka nati'ng carnero. Ug ang nati'ng carnero adunay duruha ka magagmay nga sungay, sibil ug eklesiastikal nga mga katungod. Ug wala madugay, sa dihang kadtong usa ka nati'ng carnero, atong nakita nga kini misulti dayon sama sa usa ka dragon ug gigamit ang tanang kagahum nga nauna niini. Ug ang Biblia nagtug-an kanato nga sila nanag-ingon, “Magbuhát kita sa usa ka larawan alang sa mapintas nga mananap.” Ang larawan susamang dagway sa lain pang butang. Ug kita makakita niini mismo karon nga, diha sa apostata'ng kahimtang niini, ang simbahan nanagmugna sa World Council of Churches, diin nga maoy larawan sa kagahum sa Roma; ug magpugos sa katawhan sama sa gibuhát sa paganong Roma kaniadto. . . o sa ginabuhát sa papahanong Roma. Busa, wala nay laing paagi pa, wala nay laing butang. Kondili mao kana ang Kamatuoran.

47 Ug mao kanay hinungdan nga gimakmak ko kini dinhi ning akong panahon, sa akong takna, tungod kay kinahanglan kini makmakon. Ang tawag miabot na, aron, “Gumuwa kamo kaniya, mga tawo Ko, aron dili kamo makaapil sa iyang kasal-anan!”

48 Karon, gipanag-ingon ko kana niing mga mahugaw, mangil-ad nga mga atabay. “Siya mao ang Tuburan sa Kinabuhi. Siya mao ang buhi nga mga Tubig.” Ug ang tawo nibiya Niana, ug nanagkalot alang sa ila'ng kaugalingon mga atabay nga igo lamang makasalud sa kahugawan. Mao lamang kanang butang ang masalud niini. Ug mao kana kon unsa ang ginabuhát sa

denominasyonalismo; kini magtigum sa bisan unsang butang nga moduol ug magpasakop niini. Sila andam modawat niini kon kini anaay kwarta o makabisti sa maong pamaagi. Bisan kung kinsa pa sila, diin sila nagagikan, ila silang dawaton, bisan pag-unsan.

⁴⁹ Karon atong makita, pag-usab, nga, kining marka sa mapintas nga mananap nga gimugna dinhi. Ang America, mao ang, numero trece. Kini natawo sa napulog tulo ka mga colonya. Kini anaay bandila nga may napulog tulo ka mga bituon, napulog tulo ka mga badlis. Ug kini bisan pa mitungha sa Pinadayag ika-13 nga capitulo. Ug ang America sa kanunay usa ka babaye, gihulagway diha sa atong mga salapi. Bisan pa ang ulo sa Indian, diha sa usa ka dako, maoy usa ka dagway sa babaye. Kita nasayod niana, nakahibalo sa kasaysayan niini. Ang tanan, ang Lingganay sa Kagawasan, ug ang tanan na, ang kagawasan. . . Ang Statue of Liberty, ang tanan, usa ka babaye. Usa ka babaye; numero trece. Kita n'yo? Karon, kini-kini maayo sa pagpakakita nianang mga butanga.

⁵⁰ Ug karon akong gibanabana pinaagi sa pinadayag nga gikan sa Dios, o usa ka panan-awon sa 1933, nga pito ka mga butang ang mahitabo sa dili pa ang kataposang panahon. Ug nga, ang usa kanila, nga, si “Mussolini,” kinsa kaniadto nahimong diktador, “siya mamahimong diktador. Ug, usab, iyang buhaton ang pagbuntug ug moadto sa Etiopia, ug bihagon ang Etiopia. Ug ang Espiritu, Kini miingon, nga ‘Siya mahulog sa iyang lakang.’”

⁵¹ Ambot lang kaha kon anaa pay mga karaan nga nahabilin dinhi sa Tabernaculo, hinumdumi ako nagasulti niana diha sa Redman's Hall dinhi niini sa dihang kami nagwali, sa daghan, daghan nang katuigan nga milabay. Ania bay usa dinhi sa tigumanan, niining gabhiona, nga nahibilin pa gikan didto sa karaang Redman's Hall sa diha akong giwali kana, sa diha ilang gipagawas ang N.R.A., kanhi sa panahon nga unang termino ni Roosevelt? Sa akong pagtoo wala nay usa nga ania dinhi. Ania bay usa? Oo, oo, usa, anaay usa. Oo, si Misses Wilson, akong nahinumduman siya. Ang asawa ko, nagalingkod diha sa luyo. Duha ang nabilin, gikan sa kanhing kaliwatan niadtong adlaw.

Nga, kanhi ilang giingon nga kining N.R.A. mao ang marka sa mapintas nga mananap, matud ko, “Wala bisan unsa niini; wala gayud. Ang marka sa mapintas nga mananap wala magagikan dinhi. Kini nagagikan sa Roma. Ug dili kini mahimong marka sa mapintas nga mananap.”

⁵² Ug karon hinumdumi nga kining mga butanga giingon. Nagkanayon, “si Adolph Hitler modangat sa katingad-ang kataposan. Ug iyang ipahayag ang gubat sa Estados Unidos. Ug sila magtukod sa usa ka dakung-usa-usa ka dakung butang malig-on, nga sila bisan pa mopuyo niini. Ug mismo didto ang

mga Americano magadawat sa makalilisang nga paglatigo, sa niini.” Ug kadto mao ang linya sa Siegfried, napulog usa ka tuig sa wala pa kini sugdi pagtukod. Ug unya giingon, “Apan mopaingon siya sa kataposan; ug ang Estados modaog sa gubat.”

⁵³ Ug unya giingon, nga, “Anaa tutulo ka isismo; Nazismo, facismo, ug Comunismo.” Ug ako miingon, “Silang tanan mopadulong sa comunismo. Ang Russia maoy moangkon niining tanan, diha sa comunismo.”

⁵⁴ Ug ako miingon, “Ug unya ang siyensya modaku pa pag-ayo, ang tawo mouswag sa kinaadman, hangtud nga makamugna siya sa daghan kaayong mga butang hangtud siya makamugna sa awto nga kon tan-awon susama sa itlog, nga may daw sama sa salamin ang ibabaw niini, ug kini pagadad-on pinaagi’g ubang gahum kay sa manubila.” Ug anaa na kanila ang maong awto.

⁵⁵ Ug ako miingon, “Dayon ang mga kadugganan sa atong kababayan—an mahugno ngadto sa makauulaw nga mga butang, hangtud nga mahimo silang kaulawan sa tanang kanasuran. Sila managsul-ob sa bisti nga alang sa lalake. Ilang ipadayon ang paghukas sa ilang mga bisti hangtud nga mogula sila nga daw nagpante na lang, kana lang. Ug, sa kataposan, magsul-ob na lang sila’g sama sa dahon.”

Ug kon inyong hingmatikdan, sa miaging bulan sa *Life* magasin, anaa na’y ilang babaye nga nagsul-ob sama sa dahon. Ug mao kanay bag-ong bisti sa gabii, o bistida, kung unsay ilang gisul-ob sa gabii; masihag, makita niini ang sa sulod, ang dahon lamang maoy nagsalipod sa gamay nga bahin sa iyang lawas; nga walá’y bakus, o bakus, walá’y bakus nga suot alang sa pagkaligo, ang sa taas niini, gipakita ang lawas. Ug ngano’ng kanang mga butanga nahitabo na!

⁵⁶ Unya ako miingon, “Akong nakita ang usa ka babaye sa Estados Unidos, nga sama sa usa ka bantugang rayna o maingon niana. Ug siya matahum tan-awon, apan dautan sa iyang kasingkasing. Ug iyang gipasunod ang nasud, sunod sa iyang lakang.”

⁵⁷ Unya ako mingon, “Sa kataposan, Siya nag-ingon kanako sa paglantaw pag-usab sa Silangan. Ug, sa dihang ako naglantaw, akong nakita, samang tan-awon, sama sa, ang kalibutan mibuto. Ug kutob sa akong makita, wala na’y nahibilin kondili mga tuod, ug—ug mga nagbaga nga mga bato nagkaugdaw gikan sa kalibutan.”

Ug kini mahitabo sa dili pa matapos ang kalibutan. Ug lima gikan sa pito ang nahitabo na, sulod sa katloan ka mga katuigan. Ania kita, balik sa kataposang panahon!

⁵⁸ Ug ako namulong dihadiha batok nianang denominasyonal nga sistema. Ug sa gihapon ako nagtoo, niining gabhiona, nga kini usa kini ka awasanan sa hugaw, nga kini usa ka dapit diin ang mga hugaw nagadagayday dinhi. Dili ako makatoo nga

makahimo ang Dios sa pagkuha'g ingon nianang butanga diha sa Iyang Iglesia, tungod kay kini kinahanglan matawo gayud sa Espiritu sa Dios ug dayon gihinloan sa wala pa kini tawaga nga Iya. Ang mystical nga Lawas ni Cristo, kita gikabautismohan ngadto Niini pinaagi sa bautismo sa Espiritu Santo.

⁵⁹ Oo, kining sistema sa atabay hingpit gayud nga panag-ingnan sa denominasyon. Ang tawong manggialamon angay nga motutok, ug dili gayud mosulod niini, kay gipamatud--an sa Dios sa mga kapanahonan nga Siya batok niini ug dili gayud namuhat uban niini. Ang bisan unsang pundok . . . Sa bisan unsang panahon nga may tawong motungha uban ang usa ka mensahe, sama kang Luther, Wesley, o sa uban pa, ug si Smith, ug si Calvin, ug sila; sa dihang misugod sila'g organisasyon, gipadaplin sa Dios ang butang diha sa butanganan ug wala na gayud giduaw pag-usab diha sa usa ka rebaybal.

⁶⁰ Tan--aw ngadto sa kasaysayan. Wala sukad usa ka panahon nga ang Dios migamit sa denominasyon, naghimo'g rebaybal gikan niini, wala bisan asa. Unya, pinaagi sa kasaysayan ug pinaagi sa Biblia, nagapamatuod nga kini usa ka mahugaw nga butang sa panan--aw sa Dios, busa dili ako manginlabot niini. Ug kana maoy hinungdan nga ako batok. Ako nagapaningkamot pagsakmit sa katawhan gikan niini.

⁶¹ Kita gidapit, sama sa Israel, mao usab karon, aron sa pagtan--aw sa Israel alang sa mga panag-ingnan. Sila, samtang sila nagpabilin kauban nianang Tuboran, kanila walá'y kakulian. Apan sa dihang sila nanaghimo alang sa ilang kaugalingong mga atabay, mga sistemang binuhat sa tawo, nan ang Dios nibiya kanila. Iyang buhaton kanato ang susama. "Ilang gibiyaan Siya, ang Tuboran sa buhing Tubig." Mao kana ang mga mulo sa Dios batok kanila. "Sa pagbuhat sa usa ka butang nga ila mahimong masulti, 'Inyong nakita kung unsay among nahimo!'"

⁶² Karon, sa diha sa panahon sa--sa pagpanaw ni Moises; sa diha ang Dios, pinaagi sa grasya, mihatag kanila usa ka propeta, mihatag kanila sa usa ka Haligi nga Kalayo aron manguna kanila, gipaluyohan Kini pinaagi sa mga ilhanan ug mga katingalahan. Ang Grasya maoy nag--andam niining tanang mga butang. Ang Israel sa gihapon nangandoy pa, nakita ang balaod. Ilang gisalikway ang grasya, aron dawaton ang balaod.

Kana mao kon unsay tukmang ginabuhat sa katawhan karon. Ilang gisalikway ang Pulong, aron dawaton ang sistemang denominasyon, tungod kay diha niana ilang mahimo kon unsay ilang gusto ug mapalabay kini. Apan dili mo kini mabuhat diha kang Cristo! Ikaw kinahanglan moduol nga mahinlo ug matin--aw, aron maiya ni Cristo.

⁶³ Nagabiya sa tuboran, alang sa usa ka tawhanong sistema o atabay, mapamalandong mo ba ang usa ka tawo nga nagabuhat niana? Mapamalandong mo ba ang kahimtang sa panghunahuna

sa usa ka tawo nga makainum sa lab-as nga tubig diha sa tuboran, ug mobiya niana alang sa usa ka atabay nga binuhat sa tawo nga may mga baki, ug mga tabeli, ug mga wayawaya, ug tanan na nga anaa niini?

Kini gani daw sa dili husto, apan mao kanay tukma sa unsay gibuhat sa katawhan. Ilang gitalikdan ang Pulong, ang matuod nga Tuboran sa Dios ug Gahum, aron moinum sa mga atabay, ug mohimo alang sa ilang kaugalingon sa mga atabay. Sama sa ilang gibuhat kanhi, ilang gibuhat na kini karon. Sila moingon. . .

Siya miingon, “Sila mingbiya Kanako.” Dinhi Siya miingon, dinhi sa Jeremias 2:14, o sa 13, diay. Siya miingon, “Sila mingbiya Kanako, ang Tuburan sa Tubig nga buhi.”

⁶⁴ Karon, ato nang nakita kung unsa ang atabay. Ato nang nakita kung unsa’y ginasalud niini. Ato nang nakita giunsa kini pagbuhat. Kini usa ka butang nga hinimo’g tawo nga nagagikan sa mahugaw nga atop. Ang tubig nga mangatagak, moagi diha sa mahugaw nga atop, ug maoy mohugas niini sa atop, ipaagi kini diha sa pasongan nga binuhat sa tawo, agi sa usa ka sandayong nga binuhat sa tawo, paingon sa tangke nga binuhat sa tawo. Ug ang tanang mga hugaw matingub didto, ug ang—ang mga kagaw, ug mga tabeli, ug mga baki, ug mga butang diha sa yuta, sama niana. Ug, himatikdi, sila mao ang mahugaw nga mananap; wayawaya, malan—og. Ang wayawaya dili mabuhi sa limpiyong tubig. Kon mopuyo man kini, kini mopatay kaniya. Siya kinahanglan anha ra sa malan—og.

⁶⁵ Ug kana ang nagakahitabu sa kadaghanang kining mga dangan karon. Dili kamo mabuhi sa tubig nga matin—aw sa Espiritu Santo. Mao kana’y hinungdan nga makusganon gayud sila’ng supak sa Pulong, ug moingon, “Kini nagasupak sa Iyang kaugalingon. Wala gayud Kini.” Tungod kay sila kinahanglan maaduna’y maingon nga usa ka malan—og nga lim—aw aron may kisi-kisihan. Husto.

Sama ra kana sa mga baki, ug sa mga tabeli, ug sa mga pitopito, ug sa ingon niana. Ilang kinahanglang moanha sa kalapokan o sa malan—og nga lim—aw, aron mopuyo, tungod kay kini ilang kinaiya nga mopuyo diha. Ug dili mo mabag—o ang mananap hangtud nga mabag—o mo ang kinaiya niini.

Ug dili nimo mahimo ang usa ka tawo nga makita niya ang Pulong sa Dios hangtud nga iyang kinaiya nausab; ug sa diha ang iyang kinaiya nausab gikan sa kung unsa siya, ngadto sa pagka—anak sa Dios, ug ang Espiritu Santo mosulod kaniya. Ang Spiritu Santo mao’y nagsulat sa Pulong sa Dios!

⁶⁶ Karong adlaw a ako nakigsulti sa akong maayong higala, si Doctor Lee Vayle, kinsa ania karon. Ug usa siya ka batid sa teolohiya, ug gani kami kasagaran aduna’y pipila—aduna’y pipila ka maayong linantugiyay bahin sa Kasulatan. Maalam kaayo.

Ug iya akong gipangutana usa ka higayon kung unsay akong hunahuna bahin sa unang ilhanan sa Espiritu Santo, “Mao ba ang pagsulti’g mga dila?” Kini sa dugay na mga katuigang milabay.

Matud ko, “Dili; walá’y makita niana.”

Siya miingon, “Ni ako man,” nagkanayon, “bisan pa’g gikatudloan ako niana.” Siya miingon, “Unsa sa imong paghunahuna unsa may ebidensiya?”

⁶⁷ Matud ko, “Ang labing hingpit nga ebidinsiya sa akong hunahuna mao ang gugma.” Ug busa nagahisgot kami niana.

Ug dayon akong gihunahuna nga maayo kana paminawon busa mihawid ako niana, “Kon ang tawo anaa’y gugma.”

Apan usa ka adlaw ang Ginoo, diha sa usa ka panan-awon, nagtul-id kanako. Ug Siya miingon, nga, “Ang ebidensiya sa Espiritu mao kadtong makadawat sa Pulong,” dili ang gugma, ni ang pagsulti’g mga dila, kondili ang pagdawat sa Pulong.

⁶⁸ Ug dayon si Dokto Vayle miingon kanako, nga, “Kana uyon sa Kasulatan,” matud niya, “tungod kay, sa Juan 14, si Jesus miingon, ‘Kun Siya ang Espiritu Santo moabot na kaninyo, Iyang ipadayag kining mga butanga kaninyo, nga gikatudlo Ko kaninyo, ug ipakita kaninyo ang mga butang umalabot.’”

Busa mao kana’y tiunay nga ebidensiya sa Espiritu Santo! Siya wala pa gayud misulti kanako’g mga butang nga sayup. Kana, “Kinsa mao ang ebidensiya sa Espiritu Santo, siya nga makatoo sa Pulong.” Imong madawat Kini.

Tungod kay, si Jesus wala gayud nag-ingon, “Sa dihang moabot na ang Espiritu Santo, kamo mosulti’g mga dila.” Siya wala gayud nag-ingon, ang Espiritu Santo miabot, imong buhaton ang bisan unsa nianang mga butanga. Kondili Siya miingon, “Iyang kuhaon kining mga butang nga Kanako ug ipakita sila kaninyo, ug ipakita kaninyo ang mga butang nga umalabot.” Busa mao kana ang tiunay nga ebidensiya sa Espiritu Santo, sumala kang Jesus Mismo.

⁶⁹ Busa kining tanang mga pagbati ug mga butang nga aduna sa katawhan ug sa gihapon gikinabuhian pa, inyong makita kung nganong gibuhat nila kini. Kita n’yo, kini nahimong usa ka denominasyon, o usa ka lim-aw nga malan-og, ug wala gayud ’ing usa ka denominasyon nga namugna sa ibabaw sa di- . . . sa hingpit nga Pulong sa Dios. Kini dili makahimo niini, tungod kay dili mo mahimo o mahimong denominasyon ang Dios. Dili, sir!

⁷⁰ Ang hinungdan mao, kamo mokuha usa ka panon sa kalalaken-an nga makatoo sa Pulong, tugotan sila sa pagsugod ug organisasyon. Ang unang butang nga mahisayran ninyo, sulod sa isa ka tuig magkaanaa na usa ka pundok sa mga Rickies didto nga kamo walá’y mahimo kon dili sila kauban. Sila nakakupot na, ug wala ka na’y mahimo bahin niini. Kini dili mao

ang paagi sa Dios. Dili gayud, busa kita nasayod nga kanang butang lihis. Kini nahimo nang usa ka atabay, ug nahimong usa na ka dapit diin ang matag usa makig-uyonay *niini*, *niana*, o sa *uban*, aron sa pagkuha mga miyembro pasulod niini, o tugotan ang katawhan pasulod.

⁷¹ Atong nakita, kining sistema nagsugod sa usa niana ka higayon, kanhi sa mga adlaw sa mga Israelinhon, sa diha silang nanagkutkot niining mga atabay. Ug dihay usa ka tawo ug usa ka panon sa mga Fariseo kinsa nanagkalot sa mga atabay. Ug dihay ilang usa ka tawo nga ginganla'g Herodes, ug siya mao ang proklamador, ang gobernador sa estado.

Ug siya miadto aron mamati sa usa ka tawo nga wala nagpatunto sa ilang mga denominasyon. Siya usa ka propeta. Ug walá'y propeta nga makighiusa sa denominasyon, kondili magyugot hinoon niini. Kining maong propeta misugod sa pag-ingon, "Ayaw kamo pagsugod pag-ingon sa inyong kaugalingon, 'Kanamo anaa si Abraham nga mao'y among amahan,' tungod kay sultihan Ko kamo nga ang Dios makahimo niining mga bato sa pagpabarog nga mga anak ni Abraham."

⁷² Ug sila nanagdala sa mga tawo'ng inila aron magpatalinghog kaniya. Ug kining tawo'ng inila mikuha sa asawa sa iyang igsoon pahilayo gikan kaniya, ug miasawa kaniya. Ug unsay gibuhat niadtong tawhana nga miadto sa iyang atubangan ug miingon? Sila nagdahum nga siya mopahiuon, ug moingon, "Karon, sir, ikaw, anaa'y imo'ng maayong lingkoranan *dinhi*. Ug imo'ng angay nga . . . Akong gikalipay gayud nga ania ka aron mamati kanako karon."

Si Juan miadto lamang mismo sa iyang atubangan, ug miingon, "Dili uyon sa balaod ang pag-angkon mo kaniya." Ang unang butang gayud nga iyang giingon, iyang gisinggitan siya tungod sa iyang kasal-anan.

⁷³ Kita n'yo, ang mga denominasyon nagabuhat sa mga malan-og nga mga lim-aw diin ang lalake maka-ipon uban sa mga babaye, ug silang kababayan-an makapadayon lang, ug moputol sa ilang buhok, ug managsul-ob sa mga purol, ug bisan unsa na'ng butang, ug tawagon ang ila'ng kaugalingon nga mga Cristohanon.

Apan ang tiunay nga Tuboran, alleluia, sa Gahum sa Dios, kini kini makapabilin diha, tungod kay Kini nagatukmod niini pagawas. "Ako mao ang Tuboran sa Tubig nga buhi. Sila mingbiya Kanako, aron magkalot sa ila'ng kaugalingon pipila ka mga atabay."

⁷⁴ Karon, ang usa ka tuboran sa tubig nga buhi, atong makita, unsa ba ang usa ka tuburan sa tubig nga buhi? Ato nang nakita kung unsa ang atabay, karon unsa may tuburan sa buhing tubig? Mao kanang tuborang atabay.

"Ang tuborang atabay, unsa kana, Igsoong Branham?"

Kini usa ka atabay nga nagagikan sa kanunay sa ilalum ug nagapabuhagay kini sa tubig. Kini nagapabuhagay sa tanang panahon. Usa kini ka nagkinaugalingon. Sa kanunay lab-as ug limpyo, ang tuborang atabay, usa ka tubod sa buhing tubig. Kini dili patay ug malan-og. Kini buhi, kini sa kanunay nagabag-o, nagadala sa bag-ong butang sa tanang panahon, nagapadayon sa paglihok, nga nagagikan sa tinubdan niini. Kini nagakuha sa iyang kahinguhaan gikan—gikan sa kahiladman niini, nga mao ang . . . sa gihapon ang tuboran sa mga tubig nga buhi nga nagabisibis. Nagahinlo sa kinaugalingon; kini hinlo, lunsay, hinlo nga tubig. Kini nagkinaugalingon; kamo dili na kinahanglan nga magpaabot pa sa mga ulan aron pun-on ang iyang tangki. Sa kanunay kining nagabukal, nagahatag sa iyang tubig nga libri. Inyo nang dili kinahanglan nga bombahon kini, tuyokon kini, biyuhon kini, o moipon niini. Kini usa ka tuboran lamang sa mga tubig nga buhi.

⁷⁵ Nasayod kamo, inyong kuhaon kining karaang mga atabay, kinahanglan nga imo pa kining pagkatihon ug pagkatihon ug pagkatihon kini, ug bombahon ug tanan na, aron lang pagkuha ug gamay nianang malan-og nga tubig. Huh!

Apan ang Tuboran sa Tubig nga Buhi ginahatag Kini, nga libri, nga wala nay pagbomba, sa pag-ipon, sa bisan unsa pa. Oh, nalipay ako alang nianang Tuboran! Oo, sir!

⁷⁶ Kini wala nagkinahanglan sa salaon Niini, aron salaon ang mga dangan. Kay, kini nagagikan man sa kinahiladman, didto sa Bato, hangtud nga wala na’y mga dangan didto.

Kini wala na nagkinahanglan sa usa ka pang-edukasyon nga pangsala nga nagabitay Niini, husto kana, pipila ka sistema’ng binuhat sa kalibutan nga denominasyonal nga kaalam; aron sultihan kamo, sa atubangan sa doctor sa pangutok, kon makahimo ba kamo pagwali o dili. Kini adunay walay usa sa kadtong mahugaw nga mga trapo nga nagabitay Niini. Kini itulod dayon pagawas sa ingon imong pagbutang niini diha. Dili ninyo mahimo kana. Kanang maong atabay nanagbugwak, sa tanang panahon. Kamo mobutang sa usa sa trapo niini, ilabay kini dayon pagawas sa usa ka daplin o sa lain. Kini walá’y panahon alang sa usa ka denominasyonal nga trapo niini.

⁷⁷ Kini wala na nagkinahanglan sa salaon, ni igsasala, ni magbomba pa, ni labnoton pa, ni bisan unsa pa man. Anaa lamang kini diha, nga nagabugwak. Kini dili na kinahanglan mag-agad sa lokal nga ulan aron pun-on kini. Ang mga *Ulan* mao ang “mga rebaybal,” sa diin kana’ng Tuburan. . . Kana anaa sa Tuboran sa Kinabuhi. “Diin gani ang bag’ong Patay, atua didto ang mga agila managkatapok.” Dili na ninyo kinahanglan nga magbomba pa sa usa ka rebaybal; kamo dili na kinahanglan magbomba pa sa wala. Ang usa ka butang lamang nga inyong pagabuhaton mao lamang ang pagduol sa Tuboran.

Kini sa kanunay puno sa maayo'ng, presko nga tubig, ug walá'y kaubanan Kiini. Kini nagapadayon lamang sa pagbugwak.

⁷⁸ Kamo dili na kinahanglan moadto ngadto sa atabay, ug moingon, "Buweno, kong moulan ug mobanwas sa bodiga, dayon anaa na kita'y mainum." Kita n'yo? Sus, sus! Dili kini. Kanang tuburang atabay nagabugwak sa maayong, mabugnaw nga tubig sa tanang panahon. Kamo makasalig niini. Kamo dili kinahanglan moingon, "Buweno, ako moadto ngadto nianang karaang atabay. Kami kaniadto nag-inum gikan niana, apan wala na moulan sa dugay nang panahon. Sultihan ko kamo, kini tingali uga na."

⁷⁹ Kana ang nagakahitabu sa pipila niining mga sistema nga hinimo sa tawo. Kamo makasulod, kon kamo aduna'y dakung butang ginahimo, usa ka dakung panon nga namaligya'g mga butang, o—o usa ka matang nga nagapadayon, usa ka dakung paghugpong-hugpong ug mga butang nga nagapadayon, mga dula nga bunco, ug kalingawan sa silong, ug tanan na, inyo tingali'ng makaplagan nga puno ang panimalay.

Apan kon diin kamo moadto sa diin kanang Tuboran nagabugwak, sa kanunay, ang katawhan atua didto nanguha sa usa ka maayong, mabungnawong tubig nga ilimnon. Kamo makasalig Niini! Moingon, "Sila wala na'y rebaybal sulod sa napulo ka katuigan." Kon kamo magkinabuhi duol nianang maong Tuboran, Siya sa kanunay aduna'y rebaybal nga napadayon.

⁸⁰ Sama sa giingon sa gamayo'ng lalaki'ng taga-Wales. O, usa ka higayon sa dihang sila adunay welsh rebaybal nga nagpadayon, diha'y pipila ka mga inila nga gikan sa Estados. Pipila niining bantugang mga Doctor sa Divinidad ang miadto sa Wales, aron pagsuta kung diin ug kung unsay ipasabot bahin niining tanan. Busa nagsul-ob sila'g mga pinatikig nga kwelyo, ug ila'ng minarkahang mga kalo, ug sila nananglakaw diha sa dalan.

Ug ania karon may nag-inusarang pulis, nagpatuyoktuyok sa karaan niyang batota diha sa iyang kamot, nga nagapanaghoy, "Down at the cross where my Saviour died, down there for cleansing from sin I cried; there to my heart was the Blood applied, glory to His Name," nagalakaw diha sa dalan.

Busa sila miingon, "Daw usa kini ka tawong relihiyoso. Mangadto kita ug pangutan-on siya."

Ug matud nila, "Mister!"

Mitubag, "Oo, sir?"

Siya miingon, "Kami ania dinhi gikan pa sa Estados Unidos. Kami mga pinadala. Kami nanganhi dinhi aron pagsuta sa Welsh na rebaybal, nga gitawag. Kami mga Doctor sa Divinidad,

ug kami ania kami dinhi aron tan-awon kini.” Matud niya, “Buoat kami masayod kung hain ang rebaybal, ug kung hain kini gipahimutang.”

Matud niya, “Sir, nahiabot na kamo. Ako mao ang Welsh na rebaybal.” Amen! “Ang Welsh na rebaybal ania sulod kanako. Ania dinhi kon diin kini.”

⁸¹ Mao kana kung magkinabuhi kamo duol sa Tuboran sa Tubig nga buhi. Kini buhi sa tanang panahon, nagabugwak sa padayon ug padayon, ug padayon ug padayon. Walá’y kataposan Niini. Dili kay, “Lakaw tan-awa kon may mga tubig, kong naa bay atong ulan dinhi dili pa dugay,” kana dili kini. Kini mao kanang Tuboran sa Tubig nga buhi. Sumala sa akong giingon, Kini nagahatag sa libring Tubig Niini.

⁸² Dili na kinahanglan ninyo butangan pa Kini’g mga trapo, aron mahibaloan; pipila ka mga pang-edukasyon nga mga trapo, dili pa ninyo ikapadala siya sa pagwali, ug tan-awon kon husto ba ang pagkalitok niya sa mga pulong, ginalitok sila sa husto, kon siya ba nagagamit iyang mga kangalan ug mga puli-ngalan, ug uban pa, ug mga adhetibo. Daghan kanila ang wala gani makaila kung unsa sila, apan siya nagapuyo sa Tuboran sa mao gihapon, kita n’yo, sa gihapon.

⁸³ Dili na kini kinahanglan magsalig pa sa lokal nga ulan, aron pagpuno niini, o sa lokal nga mga rebaybal, alang niini. Kini dili na kinahanglan buhaton kana, kay ang Gahum niini ug ang kaputli niini anaa sa sulod sa iyang kaugalingon. Diha kon diin anaa ang Pulong, sa Kaugalingong Gahum Niini! Sa diha ang usa ka tawo makadawat Niini sa sulod sa iyang kasingkasing, nakabaton kini sa kaputli Niini. Nakabaton kini sa gahum Niini. Kini anaa sa Pulong Mismo, nagapatubod sa Kinabuhi.

⁸⁴ Ang Israel mipahilayo gikan Niini, sila makabaton sa kagubot. Sa matag higayon nga sila mipahilayo gikan Niini, ila naangkon ang kagubot.

Mao ra sa atong gibuhat karon. Kung ang rebaybal mopahilayo gikan Niana, nan kini maayo. Kini nagakutkot sa iya’ng kaugalingon sa pipila ka mga atabay, ug, o pipila ka mga nalan-og na mga atabay, ug mao na kana.

⁸⁵ Apan Siya sa kanunay nagtabang kanila. Ang pagbagulbol didto sa Mapulang Dagat, unya sa diha nagbagulbol . . . Bisan pa, nianang tanan, Siya misaad, nagsaad kanila. Iya na kinahanglan sila unta pabalikon gikan didto, sa kahimtang nga atong tan-awon kini; apan Siya misaad sa pagpatabok kanila didto.

Unsa may Iyang gibuhat? Sila’ng mga anak sa Israel, Siya naghatag kanila sa Haligi nga Kalayo ug tanan na, alang sa usa ka pagpamatuod, ang ilang propeta. Ug ilang gipangunahan sila didto sa dagat. Ug, sa kanunay, anaa’y kagubot batok Niini. Ug ania na karon ang Faraon ug ang iyang kasundalohan. Ug

nasayod ba kamo'g unsay gibuhath sa Dios? Iya lamang gibuksan kadtong mapula, malan-og nga atabay.

Ang Patay'ng Dagat maoy labing patay nga butang sa kalibutan. Kini patay sa matuod. Kini malan-og. Walá'y mabuhi dinhi niini.

Ug Iya gibuksan kini ug gipahigawas sila, didto sa pikas tampi. Iya gidala sila ngadto sa diin sila dili na mahimong magapus pa sa mga butang nga ingon niana.

⁸⁶ Didto sa kamingawan, ila'ng nakita nga ang mga tangki dili kasaligan; sila nangauga na. Nakita nga, sila moadto gikan sa usa ka bangag sa tubig ngadto sa lain. Sa diha didto pa sila sa kamingawan, sila naghimalasyon na sa kagutom, alang sa pag-inum sa tubig. Ug sila moduol ngadto sa tangki nganhi dinhi, usa ka lim'aw; kini nangauga na. Sila nangadto sa laing dapit; kini naugahan na. Sila dili na makahunahuna nga sila makakuha pa sa usa ka ilimnon.

Ug unya diha sa labing dili madahum nga dapit diha sa tana'ng kamingawan, ila'ng nakaplagan ang tubig. Kini atua sa usa bato. Kini atua sa usa ka bato. Ang labing dili madahum nga dapit diin ang tawo makakaplag sa bisan unsang tubig, mao sa mamala nga bato didto sa taliwala sa kamingawan. Apan, nakita ninyo, ang Dios nagabuhath sa mga butang nga sama niana. Diha sa labing dili madahum nga dapit, diha sa labing talagsaong paagi. Mao kana ang nahitabo kanunay sa ato.

⁸⁷ Sila nagdahum nga kamo kinahanglan anaa'y usa ka dakung mga denominasyonal, nagkahiusa, ug tugotan sila'ng tanan sa pagtingub ug magbuhath sa usa ka dakung panagkatigum, ug uban pa, ug panguha'g mga linibo aron sa pagtinabangay, ug tanan na sama *niini*, aron magkaaduna'y usa ka rebaybal.

Usahay ang Dios mokuha ug usa ka tigulang lalaki nga dili ngani mahibalo sa iya'ng ABC's, ug sa taliwala mismo daghang mga tawo'ng wa'y alamag nga maglisud pag-ila sa ilang tuong kamot gikan sa wala, Siya makapatindog og rebaybal nga makatay-og sa kalibutan. Iya gibuhath sa panahon ni Juan. Iya nabuhath kini sa panahon sa mga propeta. Wala kanila, sumala sa ato'ng hingbaloan, nga mga edukado, apan ang Dios makadumala kanila ug mobuhath og butang pinaagi kanila.

⁸⁸ Sa niining Bato migawas ang mga tubig. Siya mao ang Bato. Ug Iyang gisugo kining Bato, ug kinahanglang bunalan. Ug Siya mihatag sa madagayaong lunsay, malab-as, malimpyo nga tubig alang sa tanan nga moinum. Iyang giluwat ang tanang moinum gikan Niini. Usa ka hingpit nga panagkadugtong sa Juan 3:16.

. . . Kay gihigugma gayud sa Dios ang kalibutan, nga tungod niana gihatag Niya ang Iyang bugtong Anak, . . . aron ang tanan nga mosalig Kaniya dili malaglag, kondili may kinabuhing dayon,

⁸⁹ Gibunalan sa Dios kadtong Bato, sa Calbaryo. Ang atong pagkahinukman anaa na Kaniya, nga gikan Kaniya moabot ang Espiritu sa Kinabuhi nga magahatag kanimo ug kanako sa Kinabuhi'ng Dayon. Kana usa ka hingpit nga samingay Niini, didto sa niining kamingawan.

⁹⁰ Ila nang dili kinahanglan pa nga birahon, kaloton, bombahon, o bisag unsa pa; dawata lang ang Iya'ng giandam nga pamaagi, nga walá'y bayad. Sa diha, sila dili na nagkinahanglan nga kaloton pa kini gikan sa lim-aw. Sila dili na kinahanglan nga birahon pa kini pinaagi sa timba. Sila dili na kinahanglan nga anaa pa'y pangtimba aron gamiton sa pagkuha niini. Sila igo lamang moambit niini.

Ug mao lamang kana karon. Dili na kinahanglan nga moipon ka pa. Dili na kinahanglan nga moluhod ka pa sa altar aron maghago'g usa ka butang, nga nagabomba niini. Dili mo na kinahanglan nga balikbalikon ug balikbalikon pa ang pulong pagsulti, hangtud nga malibog ka na sa pinulungan. Ang bugtong butang nga imong pagabuhaton mao ang pagdawat lamang Kaniya, nga libri, ang gitagana nga paagi sa Dios. Wala na'y pagbomba, wala na'y pagtulod, wala na; dawata lang Kini, nga libri. Wala nay imong kinahanglan pagabuhaton; dawata lang Kini. Mao kana, ang pagtoo lamang Niini. Kana lamang akong ikasulti niini.

Sila dili na kinahanglan nga magbuhat pa'g mga butang alang niini. Dili na kinahanglan magkalot pa alang niini. Sila dili na kinahanglan nga moluhod pa ug mohilak sa tibuok gabii, alang niini. Sila igo lamang miambit niini; kini hinampak ug inamdang na. Husto kana.

⁹¹ Ako nagatan-aw sa usa ka lalaki karon, nagalingkod diha sa likod ning maong lawak dinhi. Akong nahinumdum nagsugilon kaniya nga, diha sa usa ka karaang kuwadra sa bodiga usa niana ka adlaw, duol sa usa ka pasungan.

Ug matud niya, “Apan walá'y maayo sa ako.”

⁹² Matud ko, “Ako nasayod nga ikaw dili.” Ug ako nag-ingon, “Ni ako, man.” Apan ako nag-ingon, “Ikaw nagatan-aw kung unsa ka. Ug hunongi ang pagtan-aw kung unsa ka, ug tan-awa kung unsa Siya.”

Siya miingon, “Kon ako lamang mahimong undangon kining mga sigarilyo, Igsoong Branham, ako-ako-ako mahimong usa ka Cristohanon.”

⁹³ Matud ko, “Ayaw tangtanga sila. Ikaw naninguha nga mahimong maayo ug dayon moduol Kaniya. Siya wala gayud moanhi aron pagluwas sa maayong tawo; Siya mianhi sa pagluwas sa tawong dautan kinsa nasayod nga sila mga dautan.”

Matud niya, “Buveno . . .”

Matud ko, “Paminaw, dili ka gustong moadto sa impyerno, dili ba?”

Matud niya, “Dili.”

⁹⁴ Matud ko, “Buweno, dili mo kinahanglan. Siya namatay aron dili ka na kinahanglan makaadto.”

Matud niya, “Unsa bay angay akong pagabuhaton?”

Matud ko, “Wala. Ingon lang kini ka yano.”

Matud niya, “Apan kon lamang mahimo ko . . .”

⁹⁵ Matud ko, “Anaa na sad ka, balik na naman nianang sigarilyo pag-usab. Hunong sa paghunahuna bahin nianang sigarilyo. Hinumdumi lamang, paghunahuna bahin Kaniya, kung unsay Iyang gibuhhat, kung unsa Siya; dili kung unsa ka. Ikaw dili maayo; ug ikaw dili na maayo kaniadto pa, ug dili gayud sa umalabot. Apan, kung unsa Siya, Siya mao Lamang!” Ug matud ko, “Karon, ang usa lamang ka butang nga imo kinahanglan pagabuhaton; kon Siya mikuha sa imong lugar didto, imo lamang sa kinabubot-on dawaton kung unsay Iya’ng gibuhhat. Ang bugtong butang nga imong kinahanglan pagabuhaton mao ang pagdawat lamang niini.”

“Aba,” matud niya, “kanay kasayon. Himoon ko kana.”

⁹⁶ Matud ko, “Ania ang sapa.” Kita n’yo? Akong gidala siya dinhi ug gibautismohan siya sa Ngalan ni Jesus Cristo.

Pipila sa iya’ng katawhan nagalingkod dinhi, ug ako—ako nasayod nga ila’ng gibati nga kataw—anan ako alang sa pagbuhhat niana, apan ako nasayod kung unsay akong gibuhhat. Ako’ng nakita diha sa mao’ng tawo ang butang nga tiunay. Akong makita kini diha, ug akong gidala siya ug gibautismohan siya sa Ngalan ni Ginoong Jesus.

Ug, sa diha’ng among gibuhhat na kana, kini sa wala pa madugay human niana hangtud ako miadto ngadto sa balay sa iyang anak nga lalaki. Among nakita usa ka—usa ka pananawon sa usa ka kahoy nga nabali sa usa ka dapit, ug ang tawo nahulog, nga hapit mabali ang iyang likud. Gidala siya sa hospital. Ug niadtong gabhiona ang Ginoo nagpadayag, nganhi kanako, kadto mao na ang kataposan sa sigarilyo.

Busa sa pagkasunod adlaw siya nangandoy sa pipila ka sigarilyo. Ako nag-ingon, “Akong palitan siya sa usa ka kaha ug dalhon kini kaniya. Bantayi lang ug tan-awa, ang mga adlaw sa iyang panigarilyo human na.” Siya wala na gayud nagtabako bisa’g kausa sukad, ug wala na gayud nangandoy pa ug usa sukad. Dios!

⁹⁷ Kita n’yo, ang unang butang nga inyo’ng dapat pagabuhaton mao ang pagduol nianang Tuboran. Inyo’ng kinahanglan mopaduol sa nianang Tubig, ilha kini nga kamo walá’y arang mahimo. Kini kon unsay Iya’ng nabuhhat alang kaninyo. Kamo

dili na kinahanglan nga magkutkot pa; kamo dili na kinahanglan nga magbomba pa; kamo dili na kinahanglan undangon *kini*; kamo dili na kinahanglan nga undangon *kana*. Ang bugtong butang nga inyo kinahanglan pagabuhaton mao ang pagpaduol didto ug pag-inum. Kana lang. Kung kamo giuhaw; inum!

⁹⁸ Karon, Siya mao kadto'ng Bato. Ang Dios gibunalan Siya alang kanato, ug Siya mihatag sa madagayaong lunsay, mahinlo nga tubig. Siya nagabuhat sa gihapon, karon, alang sa matag usa nga motoo. Kini mao ang Iya'ng grasya, siyempre, ngadto sa Iya'ng katawhan, kanato.

⁹⁹ Anaay butang nga sama didto, sama sa katawhan karon, andam modawat kung unsay ilang makuha, apan dili gusto mohatag sa bisan unsang pag-alagad isip balus. Ang Israel andam na sa—sa pag-inum gikan sa bato karon, apan sila dili gusto mohatag sa Dios sa Iya'ng pag-alagad nga angay Kaniya.

¹⁰⁰ Ug Siya sa kanunay nagahatag kanato sa usa ka pag-alagad. Nahibalo kamo, kita dili gani makaginhawa kung wala Siya. Kita dili makaginhawa kung walá'y pag-alagad sa Dios. Mao kana kon unsa kita nagsalig Kaniya. Ug, bisan pa niana, halos mabahin kita sa kaduha kon atong sulayan sa paghimo, adunay buhaton usa ka butang alang Kaniya. Siya nagahangyo kanato sa pagbuhat sa usa ka butang, pagpakigkita sa usa ka tawo, pagpangamuyo alang sa usa ka tawo, pagtabang sa usa ka tawo, kini halos makapaguol kanato, sa paghimo niini. Apan kita dili gusto mobuhat ug bisan unsang butang ngadto Kaniya alang sa pag-alagad.

¹⁰¹ Ang Iyang sumbong mao, “Sila mibiya Kanako, ang Pulong; ug midawat sa likian nga atabay, ilis niini. Dawata . . . Sila mibiya Kanako, ang Tuboran sa Kinabuhi, ang Tuboran sa Tubig sa Kinabuhi; ug sila naninguha ug mas gigusto pa ang pag-inum gikan sa malan-og nga atabay.” Mapamalandong mo ba kana?

¹⁰² Makapamalandong ka ba sa usa ka tawo karon, nga, *dinhi* mao ang usa ka tuburang atabay nga nagapabuhagay nianang maayo, tubig nga gikan sa bato, nagagikan mismo sa kinauyokan sa mga bato, sa ilalum sa nahimutangan sa mga balas, ug sa uban pa, mabugnaw ug maayo gayud kaayo; ug unya palabihon pa ang pag-inum sa atabay diha niana, nga hinugas gikan sa atup sa bodiga, ug sa mga kaatopan, ug sa tanang mga gambalay sa palibot sa maong dapit? Ug nabuhos mismo pasulod nianang atabay didto, diin ang mga hinunob sa tubig mobalik ngadto, gikan sa bodiga, sa mga kamalig ug ang mga kuwadra, ug ang tanan na nanaglimas paingon ngadto sa atabay, ug unya atong gustong dawa- . . . moinum gikan niana sa dili pa moadto sa nianang tuborang atabay? May usa ka butang nga daot sa pangutok sa maong tawo. Mao kanay tinuod.

¹⁰³ Ug sa diha ang usa ka lalaki o usa ka babaye modawat sa usa ka denominasyon alang sa ilang baruganan, nga motugot sa

mugbong buhok, nagasul-ob sa mga purol, mek-ap, tanan niini pang matang sa butang, ug pipila ka ginagmay nga matang sa-sa programa, ug tanan niini nga pagpadayon, ug makaadto sa mga bolingan, ug—ug sa tanan diha niana nga walá’y kapuslanan, ug makapabilin niana; ug nagustohan pa kana labaw kaysa ilang nagustohan ang karaang Pulong sa Dios nga nagaputol ug nagasapsap, ug nagahimo sa kababayen-an nga mamahimong babaye gayud, ug moagak ug mohimo kanilang magpabisti’g husto ug magalihok nga husto, nagatangtang sa mga sigarilyo ug mga tabako, ug sa pagpanumpa ug sa pagpamalikas, ug sa pagpamakak, ug sa pagpapangawat, pahilayo gikan kaninyo, ug ang tanang kalibutanon mapahilayo gikan kaninyo, ug maghatag kaninyo’g usa ka Butang nga mao kanang hingpit nga katagbawan. Ngano man ang usa ka lalaki ug usa ka babaye sa mapaingon nianang butang alang sa kalingawan? Unsaon mo man sa pagkalingaw gikan niana?

¹⁰⁴ Unsaon ba ninyo sa pagpakakuha’g lab-as nga ilimnon gikan nianang malan-og nga atabay? Ngano man ang usa sa tawo. . . Kon ang tawo moadto sa usa ka malan-og nga atabay aron pagkuha sa mainum, samtang anaay tuborang atabay nga binuksan, kamo moingon, “Adunay daot nga butang sa utokan nianang tawhana.”

Ug kon ang usa ka babaye o usa ka lalaki nagaadto sa nianang dapit aron pagpangita’g kalipayan, adunay usa ka butang nga espirituhanong pagkasayup nianang tawhana. Sila dili gusto sa Pulong. Kini nagapakita nga ang ilang kinaiya sa gihapon baki, o pitopito, o ingon niana, kana’y tinuod, usa ka butang sa in-anang kinaiya nga nagaangay nianang malan-og nga lim-aw, tungod kay nianang matang nga mga butang dili mopuyo sa usa ka lim-aw diin ang Tubig lab-as. Dili sila makahimo niini; kini lab-as nga Tubig. Sila dili makahimo niini.

¹⁰⁵ Karon, ang sumbong niadto, “Sila mibiya Niini.” Ug karon ilang gibuhat ang samang butang.

Karon tan-awa ang babaye didto sa atabay. Buweno, siya miabot sa atabay ni Jacob, ug siya sa kanunay nagakalos sa tubig didto sa tanang panahon, sa kang Jacob nga atabay. Apan ang kang Jacob nga atabay, denominasyon, atong tawagon kini, kay tutulo sila nga iyang gikalot; ug kining usa iyang nakalot. Karon, siya adunay dakung sugilanon. Matud niya, “Karon, ang among amahan nagkalot niining atabay, si Jacob. Siya mi-inum gikan niini, ug ang iyang kabakahan nanginum gikan niini, ug ang tanan na. Dili pa ba kana igo?”

¹⁰⁶ Siya miingon, “Apan ang tubig nga imong gikalos gikan dinha, ikaw uhawon pag-usab, kinahanglan pang mobalik dinhi aron pagkuha niini. Apan,” nagkanayon, “ang Tubig nga Akong ihatag kanimo usa ka Tuburan, usa ka Tinubdan nga

nagapabuhagay gikan sa sulod, ug ikaw dili nagaanhi dinhi aron pagkalos Niini. Kini mismo kauban kanimo.”

¹⁰⁷ Matikdi. Apan sa dihang siya nakamatikod nga usa ka Bibliyanhon nga Tuboran ang nagsulti kaniya, pinaagi sa usa ka Bibliyanhon nga ilhanan nga dugay na niyang gipangita, iyang gibiyaan kadtong sistema ni Jacob nga makadenominasyon ug wala na gayud mibalik pa pag-usab niini, tungod kay iya na mang hingkaplagan ang matuod nga Bato. Kita n’yo? Siya midalagan ngadto sa siyudad. Siya nahigawas na sa sala. Siya dili na usa ka babaye’ng mahugaw. Matud niya, “Umari kamo, tan-awa ninyo Kinsa akong nakita, usa ka Tawo Kinsa mitug-an kanako sa mga butang nga akong nabuhat. Dili ba mao kini ang Cristo?” Iyang . . . Kanang atabay tingali’g nahimong maayo; kini nakabuhat sa iyang katuyoan. Karon siya atua na sa usa ka matuod nga Tuboran. Ang atabay nahimong maayo lang hangtud nga ang matuod nga Tuboran nabuksan. Apan sa diha ang matuod nga Tuboran nahiabot na, ang atabay nawad-an sa iya’ng kusog. Siya nakakaplag may usa ka maayong dapit nga innanan.

¹⁰⁸ Ug adunay usa ka mas maayong dapit. Anaay usa ka mas maayo’ng dapit, ug kana anaa kang Cristo. Diha sa San Juan 7:37 ug 38, si Jesus miingon, sa kataposan sa fiesta sa mga tabernaculo, “Kon adunay tawong giuhaw, umari siya Kanako, ug uminum.”

Sila’ng tanan nanagkalipay. Sila adunay gamay’ng tubod sa tubig nga nagagikan sa ilalum sa halaran, ug—ug didto silang tanan nanagpanginum gikan niini, sa pagsaulog, sa—sa fiesta. Ug nanag-ingon, “Ang among mga amahan nanagpanginum gikan sa espirituhanong bato didto sa kamingawan.” Kita n’yo, sila nanagkalot alang sa ilang kaugalingon usa ka atabay, pipila ka malan-og ng tubig nga ilang gibomba sa usa ka dapit, ug nagatubod kini sa ilalum sa templo didto. Ug silang tanan managpanuol sa palibot niining tubig ug manginum, ug moingon, “Sa katuigan nga milabay, ang atong mga ginikanan nanagpanginum didto sa kamingawan.”

Si Jesus mitubag, “Ako mao kadtong Bato nga didto sa kamingawan.”

Mitubag, “Kami nanagpangaon sa mana nga gikan sa Langit, ug ang Dios nagpaulan niini.”

¹⁰⁹ Miingon, “Ako mao kadtong Mana.” Siya, kadtong Tuboran, nagatindog sa ilang taliwala. Kadtong Tinapay sa Kinabuhi nagatindog sa ilang taliwala.

Ug sa gihapon sila dili gusto Niini. Ila pa palabihon ang ilang atabay; tungod kay, ang tawo nagbuhat *niini*, ug ang Dios nagpadala Niana. Kana mao gayud ang kalainan. Nanagkalot alang sa ila’ng kaugalingon nga mga atabay!

¹¹⁰ Siya miingon, “Kon adunay tawong giuhaw, umari siya Kanako, ug uminum.” Siya mao kadtong Tuboran.

Ug sumala sa giingon sa Kasulatan, “Gikan sa iyang kasingkasing modagayday ang mga sapa sa Tubig nga buhi.” Oh, Siya mao kadtong tuborang atabay! “Gikan sa iyang kasingkasing, o sa kinasuloran sa pagkatawo, modagayday ang mga sapa sa Tubig nga buhi.”

¹¹¹ Siya mao kadtong Bato nga sa sulod. . . Nga maong Bato ni Hagar, sa panahon sa kalisud; sa diha ang iyang anak himalasyon na, sa dihang gipahilayo siya sa gawas sa kampo, ug atua didto kauban ang batang si Ismael. Ang iyang tubig, sa iyang tangki nga iyang gidaladala, nahurot na. Ug iyang gibutang ang gamayng si Ismael; ug milakaw, nga ang kalay-onon usa ka gapasan, ug mituaw, ug, oh, tungod kay dili niya buot makita ang bata mamatay. Ug sa kalit, ang Manulonda sa Ginoo misulti, ug iyang nakita ang Beer-. . . Beersheba, ang—ang atabay nga nagapabuhagay, ug sa gihapon nagapabuhagay hangtud niining adlaw. Siya mao ang kang Hagar nga Beer–Beersheba, Bato nga didto sa kamingawan.

¹¹² Kini nagatindog dinhi niining Tuboran nga puno sa Dugo, niadtong adlaw, nagatindog didto sa templo. [Blangkong bahin sa teyp—Ed.] . . sa panahon sa bagyo. Sa Zacarias ang ika-13 nga kapitulo, Siya mao kadtong Tuboran nga naabli didto sa balay ni David, alang sa paghinlo, ug alang sa (sala) paghinlo sa sala. Siya mao kadtong Tuboran. Ug diha sa Salmo 36:9, Siya mao ang kang David nga Tuboran sa Kinabuhi. Siya mao sa gihapon ang maong Tuboran diha sa balay ni David.

Ug Siya mao ang sa kang magbabalak, sa iyang kasingkasing didto. Ang matud sa magbabalak:

May Tuboran nga puno sa Dugo,
Gikan sa mga kaugatan ni Immanuel,
Pagtuslob sa makasasala sa nianang baha,
Matangtang tanan nilang mga lama sa sala.

Siya mao kanang Tuboran sa Kinabuhi, Tuboran sa Tubig. Siya mao ang Pulong sa Dios.

¹¹³ Ang katawhan sa niining kataposang mga adlaw mingbiya Kaniya, ang matuod nga Pulong, ang Tubig sa Kinabuhi; ug nanagkalot alang sa ilang kaugalingong mga atabay nga denominasyon; ug, usab, nanagkalot, nanagkutkot!

¹¹⁴ Ug karon atong makita, sila nagka-anaay mga atabay nga likian. Ug unya kining atabay nangapuno sa mga kagaw'ng dili matinoohon, dili matinoohong pangandak, mga programang pang-edukasyon, ug uban pa, kinsa supak sa mga saad sa Dios. Sila mga maduhaduhaanon sa Pulong.

¹¹⁵ Karon, kining mga atabay nga ilang naangkon, ang Biblia nag-ingon, mga “likian.” Ang *likian* nga atabay maoy usa ka

“buslot” nga atabay, ug kini nagaagas. Unsay ginahimo niini? Kini nagaagas ngadto sa usa ka relihiyosong awasanan sa hugaw nga ginganla’g World Council of Churches. Ug diha kon asa ang likian nga atabay nagadala kanila ngadto, tungod kay ilang gibiyaan Siya, ug nagbaton . . . ang Tuboran sa Tubig nga buhi; ug nanagbuhat niining mga atabay.

116 Nanagkalot sa dagkung mga sistema sa kaalam sa seminaryo, edukasyon, ug uban pa. Mao kana ang matang sa mga atabay nga ila’ng gipanagkalot niining panahona, nga ang tawo kinahanglan makabaton sa Ph.D., o sa LL.D., o Bachelor of Arts, o ingon niana, sa dili pa siya makahimo sa pagwali. Mga atabay nga napuno sa tinawhanong tiyolohiya. Ilang gipanagdala sila ngadto niining inila nga dagkung mga tulonghaan sa kaalam, ug didto ilang gipayuhot ngadto kanila ang ilang tinawhanong tiyolohiya, ug ilang gipadala sila uban niana. Unsa nang adlawa nga atong ginapuy-an, mga hinimo’g tawong mga atabay! Walá’y kasamok sa . . . Dili ikatingala ang butang nahimo nang usa-usa ka baho, oh, sus, kini tungod kay ang mga katawhan nanginum gikan niana.

117 Ug sa diha ang katawhan mangandoy sa kalipay karon, unsa may ilang buhaton? Ang katawhan, inay nga modawat sa kalipay sa Ginoo, miadto sila sa sala, alang sa kalipay. Ang katawhan nga nagaadto sa simbahan ug nangangkon nga mga ulipon ni Cristo, sa dihang sila nangalisang pag-ayo sila modagkot sa sigarilyo. Ug kung sila—kung buot sila makabaton sa—sa kalingawan, mogamit sila sa ilang mahilas nga mga sinina ug mogawas ug mangguna kun molabay ang lalaki, aron madani sila sa pagtaghoy kanila. Ilang buhaton ang tanan aron mahimong sikat. Buot sila’ng mahisamang tan-awon sa mga artista. Kana mao’y ilang kalipay.

Sa dihang, si Jesus miingon, “Ako maoy ilang katagbawan.”

Ang hinungdan nga sila mopaingon niana, tungod kay dili sila gustong moinum gikan nianang Tuboran. Ila gisalikway Kini. Sila dili gustong moinum gikan Niini. Ilang gipasakop ang ila’ng kaugalingon ngadto sa hinimo’g tawo’ng sistema, usa ka matang sa atabay nga napuno sa tanang matang sa malan-og nga mga butang, nga sila makapadayon sama niana.

118 Kagahapon, among giuban ang mga bata didto sa suba. Ako nagtoo nga Sabado kadto sa buntag. Kami nangadto; si Billy namasul didto sa sakayan. Ug among gipanagdala ang mga bata, ang akong gamay nga apo nga lalaki ug sila, ang akong anak nga babaye, ug ang gamay kong anak nga lalaki, ug kami nangadto sa suba aron magsakay sa—sa baruto. Malisud gani ka makasakay sa baruto diha sa suba, tungod sa kahugaw, kahilas, mahugaw’ng katawhan didto sa suba, nga hubo ang katunga ug nanagpadayon. May usa ka sakayan ang milabay haduol kanamo, usa ka panon sa magagmay’ng napulog duha-,

nagpanuigon ug napulo upat ka mga batang lalaki, ang matag usa kanila adunay lata sa beer sa ilang kamot, ug usa ka sigarilyo. Ila kadtong gitawag nga “kalingawan.” Oh, sus! Unsa pa kadugay molungtad kining kalibutana, uban sa sistema nga sama niana?

¹¹⁹ Ug aron mahipagawas ang ilang kaugalingon gikan sa mga panghunahuna nga kon sila mangamatay sila mangadto sa impyerno, ang butang nga ilang ginabuhat, sila mangadto ug moipon sa usa sa mga niining hinimo’g tawong mga atabay. Busa kana’ng samang matang sa katawhan nahisakop sa maong atabay. Kini dili lain kondili usa ka hut-ong sa mahugaw, hugaw’ng wayaway sa kalibutan. Ug ila gipasakop ang ilang kaugalingon diha niana tungod kay, sumala sa panulthion sa tigulang kong inahan, “Ang mga langgam nga managsamang balahibo managkuyog sa pagpanglupad.” Sila dili manuol sa Tuboran ug mahinloan gikan nianang kinabuhi sa sala. Sila gustong magkinabuhi diha didto, ug sa gihapon magkupot sa pagpanghimatuod nga sila mga Cristohanon. Ngano man? Sila mingtalikud gikan Kaniya, ang matuod nga Tuboran sa kalipay, sa Kinabuhi, hingpit nga Kinabuhi ug katagbawan. Kana maoy hinungdan nga ilang gihimo kini, tungod kay buot silang magpasakop. Sila anaay pipila ka matang sa katawhan didto nga nagtoo nianang mga butanga.

¹²⁰ Dinhi dili pa lang dugay, si Igsoong Fred ug ako, ug si Igsoong Tom, usa kami ka panon nangadto sa usa ka inilang simbahang Baptist dinhi sa siyudad sa Tucson, aron pagtan-aw kondili ba kami makakaplag ug gagmay’ng butang nga makahatag kanamo’g gamay’ng kahayahay sa pagbati. Ug ang ministro may gikasulti nga lahi bahin sa katawhan sa Egipto, sa dihang mingbiya sila nanagpangaon sila sa mga ahos ug uban pa, sila buot pa mamalik pag-usab ug mokaon niadto. Miingon, “Kana usa ka butang nga sama sa katawhan karon.”

Ug, kami, ang matag usa miingon, “Amen!” Wala pa gayud ako makakita ug ingon nga panon! Ang tibuok iglesia nawad-ag panan-aw sa magwawali ug milingi aron pagtan-aw kinsa kadtong miingon sa “amen.” Murag mamatay sila sa kahadlok. Sila wala makahibalo kon unsa kadto.

Sa diha, si David miingon, “Managhugyaw kamo nga malipayon alang sa Ginoo. Dayega Siya pinaagi sa mga alpa! Dayega Siya pinaagi sa mga salteryo! Ipagdayeg sa tagsa tagsa nga adunay gininhawa ang Ginoo. Ug dayegon ninyo ang Ginoo!” Ang Dios nagakalipay diha sa Iyang mga katawhan. Tugoti ang mga maalamon, sa pag-ingon, “Amen,” kung ang bisan unsang butang gilitok sa husto.

¹²¹ Nganong dili man biyaan kining sistema ug mga atabay sa kalibutan, ngadto sa matinud-anong sistema sa Dios, nga mao ang tuborang atabay, si Jesus Cristo? Nganong dili kamo

mamalik Kaniya, diin ang Dios maoy atong madagayaong tinubdan sa kalipay, ang atong madagayaong tinubdan sa mga pagdayeg, ang atong madagayaong tinubdan sa katagbawan? Ang kalomo sa akong kaugatan nagagikan sa Dios.

Sa dihang ako anaa sa kaguol, akong makaplagaan ang akong katagbawan diha kang Cristo, dili sa usa ka sigarilyo, dili sa mga butang sa kalibutan, dili sa pagpasakop sa pipila ka kredo; kondili sa pagkahibalag kaniya, ang gisaad nga Pulong nga Iyang giingon, “Kon Ako moadto, ako mobalik pag-usab aron sa pagdawat kaninyo.” Akong makaplagaan ang akong kalipay diha niana. Siya mao ang akong Kalipay.

¹²² Sila naga-ingon karon, pinaagi sa pagpasakop niining mga butanga ug pinaagi’g pagbugna niining World Council of Churches, nga sila mohimo sa usa ka maayong dapit nga puy-an. Sa akong matinud-anong hunahuna, sila magbuhat sa usa ka maayong dapit sa pagpakasala. Kana igo lamang . . . Ang kinatibuk-ang butang mao ang sala, bisan pag unsaon; dili aron kabuhian, kondili aron kamatyan. Magmugna niining dapit aron sa pagpakasala—sa pagpakasala, inay nga kabuhian.

¹²³ Sa bisan unsang butang, nga gawas kang Jesus Cristo ug sa Iyang Pulong sa Kinabuhi, mao ang atabay nga likian. Ang bisan unsang butang nga isulay pag-ilis Niini; bisan unsang butang nga inyong gisulay sa pagbuhat aron pagdala’g kalinaw, bisan unsang butang nga inyong gisulay sa pagbuhat aron pagdala kaninyo sa kaharuhay, ang bisan unsang kalipay nga nadawat ninyo nga gikan sa uban pa nga butang, ingon nga ilis alang Niini, kini usa ka likian nga atabay nga puno sa kahugawan. Nagahatag Siya sa hingpit nga katagbawan.

¹²⁴ Akong nahinumdom dinhi, duha na ka ting-init ang milabay, ako migawas sa likud nga pultahan. Dihay usa ka batan-on nga bugal-bugalon didto nga niingon kanako, matud pa, “Nasayod ka ba, ang hinungdan nganong kanunay kang naghigot sa mga kababayan-an sama niana, nga nagapanul-ob niadtong mga purol ug mga butang,” matud niya, “tungod kay ikaw tigulang naman nga tawo.” Miingon, “Mao kana ang hinungdan niini.”

Giingnan ko, “Tan-aw ngari. Pila na may imong edad?”

Mitubag, “Kaluhaa’g-pito.”

¹²⁵ Giingnan ko, “Sa dihang ako mas batan-on sa kadaghang mga katuigan pa kay kanimo, ako nang giwali ang maong butang.”

Akong hingkaplagaan ang usa ka Tuboran sa katagbawan. Siya maoy akong bahin. Amen! Kutob nga Iyang sangkapan kana, kana mao ang katahum. Kana mao—kana mao ang akong . . . Kana ang akong arte, mao ang pagtan-aw Kaniya, nagabantay sa Iyang kamot nga nagabuhat ug motan-aw kung unsay Iyang ginabuhat. Wala nay laing tubod nga akong hingbaloan!

Oh, bilihong maong agos
 Nga nagahimo kanakong maputi sama sa
 niyebe;
 Wala nay laing tubod nga akong hingbaloan,
 Wala gayud kondili sa Dugo ni Jesus.
 Adunay Tuboran nga puno sa Dugo,
 Nagagikan sa mga kaugatan ni Emmanuel,
 Diin ang mga makasasala motuslob sa ilalum
 sa agos,
 Matangtang ang tanan nilang sala.

¹²⁶ Ginasuginlan ko kamo, walá'y laing tubod nga akong hingsayran kondili kanang Tuboran. Kini naghinlo kanako sa diha ako mahugaw. Kini sa kanunay maghinlo kanako, tungod kay buot kong magkinabuhing matarung diha Niini, moinum niining lab-as nga Tubig nga nagapuno sa akong kasingkasing sa kalipay.

Ako mahimong maluya kaayo, ug bation nga maglisod na ako sa pagpadayon . . . sa lain pang hugna, dili na makaadto pa bisan asa; ug dayon ako makaluhod ug ibutang ang akong tudlo diha sa saad, ug moingon, “Ginoong Dios, Ikaw maoy akong kusog. Ikaw maoy akong katagbawan. Ikaw mao ang tanan nakong tanan.” Akong masugdan sa pagbati ang Usa ka butang nga nagabukal gikan sa kinasuloran dinhi kanako. Ako mahigawas na niini.

¹²⁷ Sa akong paglampas sa kalim-an ka tuig sa panuigon, ako mobangon sa usa ka buntag, kamo nasayod kung unsaon kini, maglisud ka'g paggawas sa imong usa ka tiil gikan sa katre. Sus, malisud ka pagbuhat niini; ug dihay tawo sa pultahan, nagapanuktok, o si Billy nagaingon kanako nga may kalit nga nahitabo, sa dapit nga akong kinahanglan pagaadtoan. Ug ako namalandong, “Unsaon nako sa paghimo niini?” Ginasulayan pagawas ang usa ka tiil.

Akong gihunahuna, “Ikaw mao ang Tuboran nga puno sa akong kusog. Amen! Akong kusog ug akong katabang nagagikan sa Ginoo. Ikaw mao ang akong tuborang atabay! Ikaw mao ang akong kabatan-on! ‘Sila nga nagahulat sa Ginoo magabag-o sa ilang kusog; manlupad sila uban sa mga pako sama sa agila; sila manalagan, ug dili makapuyan; sila magapanglakaw, ug dili mangaluya.’ Ginoong Dios, mao kini ang akong bulohaton, aron paglakaw. Ako gitawag ngadto sa haligi sa pangatongdanan.” Ug ang unang butang nasayod kamo, dihay Butang nga misugod sa pagdaguok sa akong kinasuloran.

¹²⁸ Sa miaging adlaw, didto sa usa ka gamay'ng dapit, ako may tigum dinhi sa Topeka, Kansas; dihay usa ka lalaki, usa ka batan-ong magwawali, usa sa akong unang mga tigpaluyo. Si Igsoong Roy, nagalingkod dinhi, nakahinumdom sa dapit. Dinhi niining, dinhi niining inilang dapit, dihay usa ka—usa ka . . . Kining maong ministro napailalum sa silong sa atop o

sa usa ka dapit, hingdat—ogan siya sa pikas bongbong niana. Nahimalatyon na ang gamay'ng tawo. Mibuto ang iyang atay. Ang iyang esplin wala na sa hustong dapit. Mga tolenada ang midat—og kaniya.

¹²⁹ Ako naglingkod sa usa ka pamahaw, nakigsulti sa akong asawa. Matud ko, “Asawa, nasayod ka ba, kung ania pa si Jesus, nasayod ka ba unsay Iyang pagabuhaton?” Matud ko, “Sa dihang iya akong gipaluyohan, ‘akong gitooan kanang Pulong,’ iyang gipaluyohan si Cristo.” Ug matud ko, “Kana usa ka bitik sa yawa”. Matud ko, “Kon dinhi pa si Jesus, Iyang adtoan ug ipandong ang Iyang balaang mga kamot ngadto kaniya. Kadtong batan—ona mamaayo gayud. Dili ko igsapayan kon ang iyang atay mibuto. Mamaayo gayud siya, tungod kay si Jesus moadto didto nga nasayod sa hingpit kung Kinsa Siya. Siya nasayod sa Iyang pagkatinawag, ang Kasulatan husto gayud, nagapamatuod Kaniya nga Siya nasayod kung Kinsa Siya, ug dili usa ka . . . wala ni landong sa pagduhaduha. Iyang ipandong ang Iyang mga kamot sa ibabaw kaniya, ug moingon, ‘Anak, magmaayo ka,’ gawas diha.” Ug matud ko, “Walá’y igong mga yawa sa impyerno aron mopatay nianang lalaki, kung in’ana.” Matud ko, “Mamaayo gayud siya.” Apan matud ko, “Nakita mo ba, pinangga, Siya mao si Jesus, ang balaang mga kamot sa Dios.”

Matud ko, “Ako usa ka makasasala. Ako gipanganak sa lawasng pagkatawo. Ang akong amahan ug inahan sila’ng duha mga makasasala, ug ako gayud walá’y ing kapuslanan.”

Ug matud ko, “Apan nasayod ka ba kon unsa? Kon ang Ginoo magahatag kanako sa usa ka panan—awon ug ipadala ako didto, nan kana maoy lahi na.” Matud ko, “Ako moadto ug ipandong ang akong mga kamot kaniya, siya mobangon nianang higdaanan kung Siya mohatag kanako sa panan—awon.”

¹³⁰ Unya ako namalandong, “Tapos ning tanan, kung kadto usa ka panan—awon, unsa man kadto? Managsama rang mahugaw nga mga kamot diha kaniya, uh—huh, mao rang tawhana ang nagaampo kaniya, mao rang mahugaw nga mga kamot.”

Unya ako misugod sa pagpamalandong, “Ako mao ang Iyang tigpaila. Nan, ang Dios wala nagatan—aw kanako. Kadtong Dugo sa nianang Usa ka matarung napahimutang didto sa ibabaw sa halaran; kini nagahimo’g pagpangamuyo alang kanako. Siya mao ang akong katagbawan. Siya mao ang akong pag—ampo. Siya mao ang akong Kinabuhi.” Matud ko, “Ang bugtong butang nga makahimo kanako sa pagpandong kaniya sa akong mga kamot, uban sa pagtoo, tungod kay ako adunay pagtoo sa panan—awon. Ug kon walá’y panan—awon, ang mao rang pagtoo ang magabuhay sa samang butang; busa akong isipon ang akong kaugalingon nga wala gayud, apan isipon Siya nga akong tanan—sa—tanan. Siya mao ang akong Kinabuhi. Siya mao ang

akong Magsusugo. Walá'y denominasyon nga nagpadala kanako; Siya maoy nagpadala kanako. Alleluia! Ako nagangyaw sa Iyang Ngalan. Ako siyang pandongan sa akong mga kamot.” Miadto didto ug nagpandong sa mga kamot sa nianang batanong lalaki, ug nianang gabhiona siya atua sa tigum, hingpit nga naayo. Amen!

¹³¹ Oh, oo, Siya mao kanang Tuboran. “Walá'y nay laing tuboran na akong hingbaloan. Walá'y gayud kondili ang Dugo ni Jesus!” Ako dili-gikaganahan, ako usa ka mabudhion, ang matag usa kanato mao man, apan sa atubangan sa Dios kita mga hingpit. Si Je- . . . “Busa kamo kinahanglan magmahingpit, ingon nga ang inyong Amahan Langitnon hingpit.” Unsaon mo sa pagkahimo niini? Tungod kay ang Usang hingpit nangatubang alang kanato didto. Kanang maong Tuboran anaa kanunay matag adlaw, lab-as. Dili pipila ka malan-og nga butang, kondili lab-as matag adlaw, nga nagahugas sa tanan kong mga kasal-anan. Siya mao kanang Tuboran.

¹³² Karon alang sa pagtapos, tingali'g isulti ko kini. Ang bisan unsang butang nga sukwahi Niini sila mga atabay nga likian, ug sa kaulahiay matagas kung unsay imong gisulod niini; kon imong ginasulod ang tanang nimong paglaum, tanan mong panahon, ug tanan na, sa usa sa niadtong malan-og nga mga atabay. Si Jesus nag-ingon nga silang tanan mga atabay nga likian. Ang Dios nag-ingon, “Sila mga likian, ug ilang itagas bisan unsay imong isulod kanila.” Ikaw walá'y maabtan uban kanila, ‘kay sila magtinagas. Tungod kay Siya lamang ang bugtong dalan paingon sa Kamatuoran, paingon sa Kinabuhi, ug sa paingon sa kalipay nga Dayon, ug sa Dayon nga kalinaw. Siya maoy Usa lamang ug ang bugtong dalan alang Niana. Oh, sus!

¹³³ Ang dili mahubsan nga Tuboran sa Kinabuhi mao si Jesus Cristo. Ngano? Ug Kinsa man Siya? Ang Pulong, ang mao ra; ang Pulong, ang Kinabuhi, ang Tuboran, “ang mao sa gihapon kagahapon, karon, ug sa palaabuton.” Ang matuod nga magtotoo, Kini mao ang iyang kinalabwang kalipay, ang iyang kinalabwang Kinabuhi. Ug ang iyang kinalabwang katagbawan anaa kang Cristo. Wala nay pagbomba, wala nay pagbira, wala nay pag-ipon, wala nay paghabwaay; ang pagtoo lamang ug pagpahulay. Kana mao kon unsa Siya sa nagatoo.

¹³⁴ Sama kang amahang Abraham; wala gayud siya nagbira, wala gayud siya nagmulo, wala gayud siya nabalaka. Siya adunay Pulong. Siya nagpauraray sa dughan ni El Shaddai. Sa dihang si Abraham usa ka gatus ka tuig ang panuigon, ang Dios mipakita kaniya, ug miingon, “Ako mao ang Makagagahum.” Ang Hebrohanong pinulongan mao ang *El Shaddai*, nga nagkahulogan, “ang Bugtong may Dughan.” “Ug ikaw tigulang na, ug ang imong kusog wala na, apan magpauraray lamang sa Akong dughan ug magsuso alang sa imong kusog gikan niining Tuboran.” Amen! Unsay iyang gisuso sa iyang kaugalingon? Usa

ka bag-ong lawas. Siya anaay anak, pinaagi kang Sarah. Ug, sa paghilabay sa kalim-an ka tuig, nakabaton sa pito ka anak sa laing babaye.

¹³⁵ Oh, El Shaddai! Ang Daang Tugon nagapakita kung unsay Iyang gibuhat, ang Bag-ong Tugon nagatug-an kung unsay Iyang pagabuhaton. Amen! Sa Daang Tugon . . .

¹³⁶ Karon ang aircon napalong na, busa ako magdali ug undangon na dinhi karon, sa pipila ka gutlo lamang.

Buot kong isulti kini sa dili ko pa taposon. Anaay akong usa ka maayong panag-ingnan usa ka higayon. Ako kaniadto nagapatrolya. Ug daghan sa katawhan dinhi . . . Didto sa palibot sa Georgetown, didto sa Milltown, kaniadto adunay, didto sa mga kabungtoran, usa ka tuboran. Usa kadto ka tuborang atabay. Kini nagbugwak hapitan sa-sa upat- o lima ka tiil ang pagbugwak sa tubig, nag-agas lamang sa tanang panahon, ug usa ka dakung tuboran sa palibot didto. Ug diha niana dihay daghan kaayong pennyroyal, nahibalo na kamo, ug nianang butang nga nagapanubo didto, nga sama sa mintos. Ug, oh, kanunay akong uhawon sa pag-abot didto, oh, sus, nga makaabot sa maong tuboran. Ug ako mopahimutang duol niining butang ug moinum lamang ug moinum, ug molingkod ug moinum, maghulat.

Ug tuig tuig sa gihapon ako moadto niining mao rang tuboran. Kini wala gayud mohunong, ting-tugnaw o ting-init. Dili sila makapatibug-ok niini. Dili ka makapatibug-ok sa tuborang atabay. Oh, dili! Oh, dili! Dili ko tagdon kung unsa-kung unsa ang kabugnaw niini, dili gayud kini makapatibug-ok niana. Mapatibug-ok mo ang atabay; gamay lamang nga pagyelo ang makahimo niana. Kita n'yo?

Apan ang bisan unsang butang nga nagalihok, anaay Kinabuhi niini, kini nagalihok. Ug dili mo mahimong pagtibug-okon ang tuborang Atabay. Bisan pag unsang kasubo sa espiritu nga anaa sa palibot nga dapit, kining Atabay magpabiling buhi sa kanunay. Pagpakabuhi diha sa Atabay.

¹³⁷ Ug akong hingmatikdan didto, ako miagi ug ako miinum niini, ug, oh, sus, ang maong lab-os gayud nga tubig! Dili ka na angay'ng mabalaka, "Unsa kaha, kung ako makaadto didto, unsa kaha kung kini miundang na sa pagtubod?" Kini sa gihapon nagadagayday . . .

¹³⁸ Usa ka tigulang nga mag-uuma nagsugilon kanako, nagkanayon, "Ang akong apohan nanag-inum gikan niini." Ug miingon, "Wala gayud kini mikunhod o wala gayud. Kini mao ra sa gihapon nga atabay, nga naga-agas mismo paingon sa Asol nga Suba didto."

¹³⁹ Namalandong ako, "Oh, sus, unsa kamaayong dapit sa tubig!" Ako molakaw hapit usa ka milya gawas sa dalan, aron

maabot kanang dapit, tungod kay kadto usa ka tiunay nga dapit nga imnanan. Oh, unsa kamaayo kadtong tubiga! Oh, sus!

Ako—ako moadto didto nianang kamingawan, Arizona na karon, ako sa gihapon gihandum pa kini, “Kadtong katingalahang atabay didto, kon lamang ako makapahulay pa didto niana!”

Sumala sa giingon ni David usa ka higayon, “Oh, kon lamang sa makausa pa makainum ako gikan nianang atabay!” Kon lamang makaabot siya didto!

¹⁴⁰ Ug ako milingkod usa niana ka adlaw, ug dihay usa ka kataw-anang butang nahitabo kanako. Ug matud ko, “Unsay nakapalipay kanimo sa tanang panahon? Unta malipayon ako sama niana. Aba, wala ko gayud ikaw makita nga masulob-on, sukad sa akong paghianhi dinhi. Walá’y usa ka butang masulob-on bahin kanimo.” Matud ko, “Ikaw sa kanunay puno sa kalipay. Ikaw nagalukso ug nagabukal ug makanunayon. Sa ting-tugnaw man o ting-init, mabugnaw man o mainit, bisan kun unsa pa kini, ikaw sa kanunay puno sa kalipay. Unsa may nakaingon kanimo . . . ? Unsa, unsa man kini? Tungod ba kay ako nagainum kanimo?”

“Dili.”

Giingnan ko, “Buweno, tingali ang mga kuneho nagainum gikan kanimo, ug gigustohan mo kini pag-ayo.”

“Dili.”

Ako nag-ingon, “Buweno, unsa may nakapahimo kanimong nagabukal sama niana? Unsa may nakapalipay kanimo pag-ayo? Unsay may nakapahimo kanimo nga sa kanunay puno sa kalipay?” Matud, “Tugod ba kay—kay ang mga langgam nagainum gikan kanimo?”

“Dili.”

“Kay ako ba nagainum gikan kanimo?”

“Dili.”

Giingnan ko, “Buweno, unsa bay nakapahimo kanimo nga puno gayud sa kalipay?”

¹⁴¹ Ug kon kadtong tuboran makatubag pa kanako, iyang isulti kini. “Igsoong Branham, dili tungod kay ikaw nakainum; akong gitaan’g bili kana, ug tungod kay makahatag ako alang sa mga langgam. Ako naghatag kang bisan kinsa nga buot moinum. Ang bugtong butang nga kinahanglan pagabuhaton mao ang pagduol dinhi ug moinum. Apan, unsay nakapalipay kanako, dili sa akong pagbukal, mao kanang ania sa sulod, nga nagatulod kanako. Kini usa ka butang maoy nagpabukal kanako.”

¹⁴² Ug ingon niana ang kinabuhing puno sa Espiritu. Sumala sa giingon ni Jesus, Siya anaa sa sulod . . . Kita n’yo, hatagan kamo Niya ug mga tubod sa tubig nga nagabukal ngadto sa

Kinabuhing walá'y kataposan, usa ka tuboran, nagabukal nga naga-awas nga sa kanunay'ng nagadagayday. Bisan kun ang uban sa simbahan anaa sa taas man o sa ubos, ikaw sa gihapon anaa nianang Tubod.

Nganong modawat ka man nianang karaang sistema sa denominasyon ug atabay, puno sa mga dangan ug tanan pang butang, ug moinum palibot nianang butang nga malán-og, nga sa diha ikaw gidapit ngadto sa usa ka Tuboran, usa ka Tuborang atabay?

¹⁴³ Akong gihunahuna kung giunsa kini sa pagbugwak, ug pag-alibuag, ug—ug pagdaguok, ug pagkatawa, ug pagkalipay, ug paglukso, ug pagmaya. Matugnaw, maulan; mainit, mamala, sa diha ang uban sa nasud nagamala na, kini nagabukal ra sama sa ginabuhat niini kanunay. Tungod kay halalum man kini, minggamot, didto sa kailaluman sa mga bato kini nagagikan.

¹⁴⁴ Oh, papuy—a ako sa kiliran nianang maong Tubod! Kuhaa ang tanan ninyong binuhat sa tawong sistema sa inyong kagustohan, ang tanan ninyong karaang nangalan-og nga mga atabay, apan paduola ako ngadto sa...o ang malán-og nga mga atabay. Apan, tugoti ako pagduol niining maong Tuboran, paduola ako dinha diin Siya puno gayud. Siya maoy akong Kalipay. Siya maoy akong Kahayag. Siya maoy akong—Siya maoy akong Kusog. Siya maoy akong Tubig. Siya maoy akong Kinabuhi. Siya maoy akong Mananambal. Siya maoy akong Manluluwas. Siya maoy akong Hari. Ang tanan nga akong gikinahanglan makaplagan diha Kaniya. Nganong moadto pa man ako sa bisan asa pa?

¹⁴⁵ Igsoong lalaki, igsoong babaye, dili ba kamo moduol niining Tuboran niining gabhiona? Dili ba kamo, kon kamo wala pa nakaadto sukad didto, dili ba ninyo dawaton Kini niining gabhiona samtang atong iduko ang atong mga ulo?

¹⁴⁶ Mga Atabay nga likian, buslot, nagatuhop, ang kalibutan nagtuhop sulod niini, hugaw nga nagagikan sa mga bodiga ug sa ubang mga adlaw. Ngano'ng dili man kining Tuboran, nga kanang maong butang dili makapabilin niini, kining dakung Tuboran nga puno sa Dugo, gikan sa kaugatan ni Emmanuel? Nganong dili man ninyo dawaton kana niining gabhiona? Hinaot nga tabangan kita sa Dios niining gabhiona, dinhi niining uga, giuhaw nga yuta. Sumala sa giingon sa propeta, “Siya mao ang Bato sa yutang malaay.” Siya mao kanang Tuboran. Dili ba kamo moduol Kaniya niining kagabhion, diha sa inyong mga kasingkasing, samtang kita magaampo?

¹⁴⁷ Minahal nga Langitnong Amahan, wala nay laing Tuboran, samtang gitugtog sa kanta, “No other fount I know; nothing but the Blood of Jesus.” Ako natawo didto, ako mitubo didto; buot kong mopuyo didto, ug mamatay didto, ug mabanhaw pag-usab didto, diha sa Iyang Presencia. Sa kanunay, Ginoo, tugoti akong

maanaa sa Iya'ng Presencia, kay wala ako'y laing nahibaw-an. Walá'y kredo, walá'y gugma; walá'y gugma kondili kang Cristo, walá'y kredo kondili kang Cristo, walá'y libro kondili ang Biblia, walá'y bisan unsa pa, walá'y kalipay gawas Kaniya. Kuhaa Siya gikan kanako, O Dios, dili ko igsapayan kun unsay kadaghan ang naangkon ko sa kalibutan, kini-kini sa gihapon patay, ako maglatagaw uban sa mga kamot nga ibabaw sa akong ulo. Kuhaa Siya gikan kanako, mawala na ako, Ginoo. Apan Itugot nga maania Siya kanako, nan ang Disyembre mamahimong kamaya maingon sa Mayo, dayon wala nay mainit nga mga dapit ug wala nay nag-uga nga mga dapit, bisan pa gani ang kamatayon mismo wala nay kadaugan. Itugot nga maangkon namo Siya, Amahan. Itugyan Siya, diha sa kadagaya ngadto sa matag magtotoo niining gabhiona, samtang sila nagpaabot niining maong lawak.

148 Daghan kanila ang magalawig diha sa kadalanan karong gabii, sa dihang manguli sila sa ilang mga puloy-anan, ug hinaut nga kini mao ang ilang pamalandungon, "Ako nagapuyo nianang maong Tuboran. Ako nagapuyo didto, malab-as imnon, sa matag takna."

149 Ug kon wala pa nila kana madawat, kon wala pa, hinaut ilang dawaton na Siya karon, aron ilang madala na ang Tuboran uban kanila. "Ako magaadto uban kaninyo; Ako magauban kaninyo hangtud sa kataposan sa kalibutan." Itugot kining mga butanga, Amahan.

150 Ug karon samtang atong giduko ang atong mga ulo, ania bay usa dinhi, niining gabhiona, o pila man ang moingon, "Ginoo, dad-a ako nianang Tuboran karon dayon. Ako wala gayud moanhi aron lang maminaw; ako mianhi aron makaplagan ang Usa ka butang. Mianhi ako dinhi aron makaplagan Ikaw, Ginoo. Nanginahanglan ako Kanimo niining gabhiona. Sulod sa akong kasingkasing karon dayon. Mahimo ba Nimo buhaton kini, Ginoo?" Ang Dios magapanalangin kanimo. Ang Ginoo magapanalangin sa matag usa.

151 Amahan, Imong nakita ang mga kamot, bisan sa ibabaw ug sa palibot sa bongbong, ug sa uban pang mga lawak, sa gawas. Imo—Imong nakita sila, Amahan. Ako-ako nangamuyo nga Imong sangkapan ang tanan nilang panginahanglan. Tingali'g sila nagainum pa sa karaang atabay, Ginoo, sa katunga sa hunonganan diin ang kadaghanang mga tawo nanagkalot ug atabay, kini nangahimong mahugaw sa tanan matang sa mga doctrinang langyaw, nga nagalimod sa Pulong. Ako nangamuyo, Dios, nga niining gabhiona sila moduol Kaniya Kinsa mao kanang Tuboran, kanang Tuboran sa Kinabuhi. Itugot kini, Amahan. Akong itugyan sila Kanimo karon sa Ngalan ni Jesus.'

152 Ug Imo ako giingnan, "Kon mangayo kamo sa bisan unsa sa Akong Ngalan, kini pagabuhaton." Karon, akong dili pangayuon kini, Ginoo, kon wala ko kini hunahunaa nga kini

mahimo. Ako-akong igo lamang kini ginasulti sa ingon nga tulomanong gisublisubli. Apan ako nangamuyo alang kanila, sa pagkamatatud-anon. Ako nangamuyo alang kanila, nagatoo nga Imong ihatag ang unsay Imong gisaad.

¹⁵³ Ug karon akong ginakuha sila palayo gikan nianang atabay niining gabhiona. Akon ginakuha sila palayo gikan sa dapit nga ilang ginainuman, diin sila dili matagbaw; ngadto niining Tuboran. Akong ginabuhat kini sa Ngalan ni Jesus Cristo.

¹⁵⁴ Sila mga Imo man, Ginoo. Paimna sila gikan Kanimo, ang Tubig nga buhi, ang Tuboran sa buhing Tubig. Sa Ngalan ni Jesus, akong gipangayo kini. Amen. Itugot kini, Ginoo.

Oh, precious is that flow
That makes me white as show;
No other fount I know,
Nothing but the Blood of Jesus.

What can wash away my sin?
Nothing but the Blood of Jesus;
What can make me whole again?
Nothing but the Blood of Jesus.

O Jesus, ayoha sila, Ginoo! Itugot kini, Ginoo, pinaagi sa Ngalan ni Jesus.' Ako nangamuyo, Dios, nga Imong...?... Nasayod Ka sa tanang mga butang.

No other fount I know,
Oh, nothing but the Blood of . . .

¹⁵⁵ Hunahunaa kini, wala nay tubod nga akong nahibaw-an! Ako wala nay hingsayran kang bisan kinsa pa gawas Kaniya. Ako dili na nagtinguha nga masayod pa sa bisan unsa gawas Kaniya. Wala na gawas sa Dugo ni Jesus! Oh!

Oh, precious is the flow
That makes me white as snow;
No other fount I know,
Oh, Nothing but the Blood of Jesus.

¹⁵⁶ Samtang awiton nato kana pag-usab, maglamanohay kita sa usag usa. Nahigugma ba kamo sa usag usa? Ania ba dinhi nga anaay bisan unsang butang batok sa kang bisan kinsa? Kon anaa man, lakaw ug ayoha kini. Mahimo mo ba? Dili kita mobiya dinhi nga sama niana. Kita n'yo? Kon anaa kamoy batok kang bisan kinsa, lakaw ug ayoha kini, karon dayon. Karon dayon mao na ang inyong kahigayonan sa pag-adto, moingon, "Igsong lalaki, igsoong babaye, may gikasulti ako bahin nimo, naghunahuna ako'g lain. Wala ko kana tuyoa. Pasayloa ako." Kita n'yo, kana mao ang paagi sa pagbuhat niini. Tugotan natong maanaa ang Tuboran mismo sa atong taliwala, sa tanang panahon. Kita n'yo?

No other fount I know,
 Nothing but the Blood of Jesus.
 Oh, precious is the flow
 That makes me white as snow;
 Oh, no other fount I know,
 Nothing but the Blood of Jesus.

¹⁵⁷ Oh, dili ba Siya kahibulongan? Walá'y nay laing tuboran! Dili nato paghugawan ang atong kaugalingon sa ubang mga butang. Kita nahimulag na, gitalikdan na ang kalibutan. Dili na kita gusto pa sa mga ahos sa Egipto ug sa mga likiang mga atabay. Kita ania na sa panaw kauban ang Ginoong Jesus, kanang gibunalang Bato, amen, nagakaon sa Mana nga gikan sa Kahitas-an, ug nagainum; nagakaon sa Pagkaon sa mga manulonda, ug nagainum gikan sa Bato. Amen!

No other fount I know,
 Nothing but the Blood of Jesus.

Karon atong iduko ang atong mga ulo.

¹⁵⁸ Nagapangamuyo nga ang Dios magapanalangin sa madagayaon sa matag-usa kaninyo, nga ang Iyang grasya ug kalooy magauban kaninyo sa umalabot nga tibuok semana. Ug kon may bisan unsang butang manghitabo, nga ang usa kaninyo makalahos sa luyo sa tabil karon, hinumdumi lamang nga usa lamang ka hamubong mga takna sa pagkatulog ug pagpahulay hangtud managkita kita. Hinumdumi, nga, "Sila nga mga buhi pa ug mahibilin dili magauna kanila nga nanagpangatulog, tungod kay ang Trumpeta sa Dios, kanang kataposang Trumpeta. . . ." Ang ikaunum bag-o lang mitingog. Ug kanang kataposang Trumpeta, sama sa kataposang Timri, mao na ang Pag-abot sa Ginoo. "Kini pagapatunggon, ug ang mga nangamatay diha kang Cristo mouna sa pagpamangon." Namahulay lamang hangtud nianang taknaa.

¹⁵⁹ Ug kon masakitan man kamo, hinumdumi:

Dalha ang Ngalan ni Jesus uban kanimo,
 Ingon nga taming sa kada laang;
 Ug sa diha ang mga pagtintal magpalibot
 kanimo,
 Isulti lamang kanang balaang Ngalan sa pag-
 ampo. (Ang mga yawa modagan.)

¹⁶⁰ Hinumdumi lamang, among lauman nga magkita kita dinhi sa sunod Dominggo sa buntag. Dalha ang masakiton ug nanag-antos. Ako magaampo alang kaninyo. Kamo magaampo kanako karon. Mahimo ba ninyong buhaton kini? Ingna, "Amen." [Ang kongregasyon naga-ingon, "Amen."—Ed.] Ako magaampo kaninyo, nga ang Dios magapanalangin.

. . . Name in prayer.

Precious Name, precious Name, O how sweet!
 Hope of earth and joy of Heaven;
 Precious Name, O how sweet!
 Hope of earth and joy of Heaven.

At the Name of Jesus bowing,
 Falling prostrate at His feet,
 King of kings of Heaven we'll crown Him,
 When our journey is complete.

Precious Name, precious Name, (dili ba kini
 matam—is ug bililhon?)
 Hope of earth and joy of Heaven;
 Precious Name, precious Name, O how sweet!
 Hope of earth and joy of Heaven.

¹⁶¹ Sa kanunay malisod ang pagbiya kaninyo. Bisan pa ako nasayod nga kamo nagadilaab pa, apan anaay usa ka butang lamang bahin sa . . . Atong tugotan, ang usa paka bersekulo sa usa ka butang, mahimo pa ba ninyo buhaton kini? [Ang congregasyon naga-ingon, “Amen.”—Ed.] Mahimo ba kini ninyo? *Blest Be The Tie That Binds*, igsoong babaye. Pila man ang nahibalo nianang karaang kanta? Ato kaniadto giawit kini, sa nanglabay na nga mga katuigan.

¹⁶² Ug ako nagahunahuna, niining gabhiona, “duha ka mga kamot, gikan sa mga gatasan, nga nahabilin,” sa dihang among kaniadto giawit kanang kanta sa tabernaculo, ug nagkuptanay ang kamot sa usag usa. *Blest Be The Tie That Binds*. Nalubong ko na ang kadaghanan kanila, mismo dinhi sa sementeryo. Sila nagapaabot. Ako sila makita pag-usab. Ako sila nakita, panalagsa, sa usa ka panan-awon, sa diha ako nagtan-aw sa luyo sa tabil. Sila atua didto.

Atong iduko ang mga ulo karon samtang atong awiton.

Blest be the tie that binds
 Our hearts in Christian love;
 The fellowship . . .
 Is like to that Above.
 When we . . .

Karon ituy-od ug pagkupot sa kamot diha sa uban.

. . . asunder part,

Karon iduko ang inyong ulo.

It gives us inward pain;
 But we shall still be joined in heart,
 And hope to meet again.

¹⁶³ Uban sa pagduko sa atong mga ulo. Akong itugyan kining bulohaton ngadto sa pastor karon, ug sa makauli na . . .



MGA ATABAY NGA LIKIAN CEB64-0726E
(Broken Cisterns)

Kining Mensahe ni Igsoong William Marrion Branham, una giwali sa Ingles dadtong Dominggo sa gabii, Hulyo 26, 1964, sa Branham Tabernacle sa Jeffersonville, Indiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2007 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org